



蒙古源流記

卷十三
卷十四
卷十五
卷十六

ル 5
3475
4



3112
卷
4

蒙古源流記卷之十三

蒙古源流記卷之十三

額魯特蒙古烏爾圖木杜爾伯特汗濟音海雅哈圖

盟游牧所

此爾伯特汗一姓綽羅斯六傳至額魯特

參大師者噶爾丹策凌之先祖明正

收蒙古以後事今蒙古紀載其詳明史曰也夫蓋

番言額魯之誤也穆宗額魯後又改額魯為額魯

塞錄云明史所記也先二字誤本在額魯耳言幸相

生子二長博羅納哈勒為杜爾伯特部祖次額魯特

平定張穆初補
光澤何秋濤補

大清
S. 1112
書

門 5
號 3475
卷 4

蒙古游牧記卷之十三



平定張 穆初稿

光澤何秋濤補輯

額魯特蒙古烏蘭固木杜爾伯特部賽音濟雅哈圖

盟游牧所在

原杜爾伯特部補注一作至京師六千餘里元臣字罕

裔補注一作姓綽羅斯六傳至額森原注阿克敦德蔭堂

參收蒙古以後事今蒙古紀載甚詳明正統之蒙塵乃額參

塞番言額參之誤也穆案額參後又改額森龔之鑰前出

生子二長博羅納哈勒為杜爾伯特部祖次額斯墨特

蒙古字文記一三杜爾伯特一

早稻田大學圖書館
昭和 34.11.2 購入
藏書

達爾漢諾顏準噶爾部祖也原注朔漠方略雍正七年

一部落原係元之臣僕其始祖曰額森額森之子托輝

漸至大員因擾亂元之宗室離間蒙古恐獲重罪遂背

負元朝之恩逃匿於西北邊遠之處元末又扇誘匪類

結成黨與遂自稱準噶爾穆謹案此與乾隆間

欽定蒙古王公表傳及龔之鑰方觀承諸人所紀

不同蓋其時準夷未平傳聞異詞不能盡合也 杜爾

伯特舊為四額魯特之一輝特隸之和碩特部土爾扈

特部或牧青海或徙俄羅斯惟杜爾伯特與準噶爾聚

牧阿爾台無析處者原注阿爾台亦作阿爾泰今作阿

勒坦蒙古謂金曰阿勒坦即古金

山也在科布多城西北史突厥傳魏太武時阿史那居

金山之陽為蠕蠕鍊工金山形似兜鍪借號兜鍪突厥

唐書突厥傳頡利敗車鼻率所部竄金山之北三垂斗

絕一面可通車騎距長安萬里元秘史太祖征乃蠻擊

住塔陽其子古出魯克脫身走出見軍追及就依塔米

兒河割營不定又走了襲至阿勒台山前勢愈窮促遂

將他百姓盡收捕了何秋濤案阿勒台即此阿爾台也

長春西遊記七月九日同宣使西南行五六日屢見山

上有雪又三二日歷一高峯如前松杉鬱茂而有海子

南出大峽則一水西流蘗木叢映於水之陽非茂如芳

艸夾道連數十里北有故城曰曷利肖西南過沙場二

十里許水艸絕少始見回紇決渠灌麥又五六日踰嶺

而南至蒙古營宿佛廬且行地遼南望之有雪人告

曰此雪山北是田鎮海八刺喝孫也八刺喝孫漢語為

城中有倉廩故又呼曰倉頭七月二十五日有漢民工

匠成翼日阿罕山北鎮海來謁曰前有大山高峻廣

蒙古源流卷之三 杜爾伯特

澤沮陷非車行地宜減車從輕騎以進用其言以二車

驛騎二十餘傍大山西行李家奴鎮海從者也因曰前

此山下精截我腦後髮鎮海亦云乃滿國王亦曾在此

為山精所惑食以佳饌西南約行三日復東南過大山

經大峽中秋日抵金山東北少駐復南行其山高過大山

谷長坂車不可行三太子出軍始闢其路乃命百騎挽

繩懸轆轤以上縛輪以下約行四程連度五嶺南出山前

臨止河泊從官連幕為營因水艸便以待鋪牛驛騎有

詩云金山南面大河流云桐鄉程同文釋曰阿不罕

山在金山東北今阿集爾罕山也鎮海傳太祖命屯田於阿魯歡立鎮海城阿魯歡者亦即阿集爾罕山也長春由此西行傍大山者即傍阿爾泰山之東大幹今烏蘭古木中過青吉斯海子之北乃向西南行當取道於今科布多再西南乃科布多河額爾齊斯河發源處為阿爾泰最高之脊所謂東南過大山經大峽抵金山者當謂此又行四程連度五嶺南出山臨大河以地約之大河應為烏隴古河劉郁西使記所謂龍骨河與別失八里南北相直近五百里者也烏程沈垚釋曰案鎮海傳屯田於阿魯歡立鎮海城守之夫曰立鎮海城是城名鎮海也城為鎮海所立遂以鎮海名城劉容傳至元七年世祖駐蹕鎮海小雲石脫忽憐海名鎮海又轉曰稱從裕宗北征至鎮海是又以城名地矣鎮海王恂傳從裕宗撫軍稱海即小雲石脫忽憐傳之鎮海也囊加歹傳武宗在潛邸囊加歹嘗從北征與海都戰於帖堅古明日又戰海都圍之山上囊加歹力戰決圍而出與大軍會武宗還師囊加歹殿海都遮道不得過囊加歹選勇敢千人直前衝之海都披靡國兵乃由旭歌爾溫稱海與晉王軍會牀兀兒傳海都兵越金山而南止於鐵堅古

山是帖堅古在金山之南由金山還師而東道必經鎮海城是稱海即鎮海矣稱海為西北要地據地理志及武宗紀中統初置宣慰司都元帥府於和林後分都元帥府於金山之南至元二十六年諸王叛兵侵軼和林宣慰司怯伯乘隙叛去二十七年立和林等處都元帥府大德十一年和林改置行中書省移都元帥府於稱海兼置稱海等處宣慰司稱海誠控禦叛王要地矣哈喇孫之行省和林也置傳車相去各三百里凡十傳轉米數萬石以饗饑民不足則益牛羊又度地置內倉積粟以待來者浚古渠溉田數千頃治稱海屯田教部落襍耕其間歲得米二十餘萬北邊大治地理志元貞元年於六衛漢軍內撥一千人赴稱海屯田北方立站帖里干木憐納憐等一百一十九處成宗紀元貞二年二月給稱海屯田軍農具大德元年三月給稱海屯田賜農具鈔案稱海地鄰接海都海都犯邊屯田暫罷海都既平屯田旋復故成宗紀大德四年罷稱海屯田改置於阿札之地而六年九月又遣阿牙赤撒罕會計稱海屯田歲入之數也仁宗紀至大四年六月命和林行省右丞字里馬速忽經理稱海屯田延祐元年三月敕儲稱海五條河屯田以備賑濟六年十一月敕晉王部

蒙古存文已十三杜爾伯特三

貧民二千居稱海屯田英宗紀延祐七年五月復置稱
 海五條河屯田案七年復置則七年之前必嘗罷之矣
 是時明宗以不得為皇儲憤發兵反兵敗走金山西北
 諸王察阿台等率眾附之屯田之罷其以是歟後明宗
 不復入寇故屯田亦旋復也補注按今刊本或改稱海
 為青海詳程氏沈氏之說知漠北之稱海與河西之青
 海方域迥殊所宜詳辨也原注一統志阿爾泰山在特
 思河西北縣互二千餘里高入霄漢盛夏積雪不消為
 西北諸山之祖其頂在烏普薩池西北支峯蔓壑分為
 四枝正北一枝隨厄爾齊斯河以北至鄂羅斯國其東
 北繞特思河之北千里東為湯努山一枝又東北接杭
 愛山之陰北至色楞格河其南百餘里向東一枝為烏
 蘭郭馬山繞奇勒稽思泊之北又東南為白勒奇那河
 科克衣山又東為昂奇山空格衣河出其南麓烏海河
 出其東北麓又北為馬喇噶山布勒噶蘇台河出其東
 麓又東北為大山喀喇河諸水出其南麓又東北接杭
 愛山之陽包哈瑞河他米勒河諸水其南一枝蜿蜒不
 斷納憐河呼勒泰河哈流圖河納思克河布勒濟河哈
 巴河奇蘭河喀喇額勒齊思河俱出其西麓哈勒奇薩
 河阿普都河出其東麓山勢旋折而東布顏圖河出其

北麓布拉克吉兒河札克台河出其南麓又東為阿爾
 泰山之尾又東南為台西爾山又東南復分二山如黑
 雲二道界瀚海中其東為庫克西勒克山又東北接巴
 顏山其南枝為都武嶺布帶山圖古里克河出其西麓
 又東南為布勒堪山空鄂洛阿爾濟爾罕山層峯不斷干
 餘里橫截沙漠為阿爾班阿岳爾達察嶺又東南為古
 爾板賽漢山其南為諾默渾山其東南為五百根山至
 空可喀喇龍山而止自空鄂洛阿爾濟爾罕山南向為奇
 齊格納山拜轟鄂爾山查喇圖山至伊塔特圖山而止
 其南八十里天山自西方來亦蜿蜒而東南橫互沙漠
 中干餘里又東為活見活圖山至色公哈兒占山而止
 色公哈兒占山北去空可喀喇龍山二百餘里南踰瀚
 海至套北陰山五百里松漠艸詩注阿爾泰之東有三
 十三庫伯其中峯特出者曰汗庫伯猶言祖脈也下臨
 希爾吉思湖流泉飛瀑頗著靈秀藩部要略雍正十
 三年噶爾丹策凌表稱阿爾台舊係厄魯特牧杭愛舊
 係喀爾喀牧請由哲爾格西喇呼魯蘇至巴里坤畫界
 分守諭曰夫阿爾台之屬厄魯特乃噶爾丹從
 前之事爾準噶爾並未越此游牧爾父在時曾請將阿
 爾台山梁外哈道里哈達青吉勒布勒青吉勒三處不

蒙古源流卷之三 三

必置為閒處朕未允行今特欲安逸眾將此三處屬
爾祇自克木齊汗騰格里上阿爾台山梁由索勒畢
嶺下哈布塔克拜達克之中過烏蘭烏蘇羅卜諾爾直
抵噶斯口為界并自呼遜托輝至喀喇巴爾楚克悉作
間地爾其遵諭行乾隆三年噶爾丹策凌復表請循布
延圖河以南博爾濟昂多輝庫烏克嶺噶爾丹策凌等處
喇巴爾楚克等處為界厄魯特邊人仍在阿爾台山後
游牧案德蔭堂集阿克敦兩使準噶爾與噶爾丹策凌議定
界事雖反復多端其所慮者不過恐兩間空置之呼遜
亦漸次於科布多增建城垣侵其游牧耳故最後
高宗純皇帝亦許其每年略地時用二三十人至科
卜多巡視以釋其疑而和議乃定呼遜托輝集作呼孫
鄂拉為古金山在庫爾圖達巴西北三百里哈柳圖郭
勒發源西南麓其地東境峰巒層沓互數百里為北路
名山之冠東為舊藩喀爾喀蒙古諸部西為準噶爾部
乾隆二十年大兵討準噶爾道出阿勒坦鄂拉

道官祭告文曰朕恭承鴻業撫馭寰區康父柔懷中
外一視準噶爾部落向遠王化篳絃相仍因而內亂達
瓦齊又復殘虐其屬分崩離析人不聊生雖在殊荒均
之赤子朕何忍不為拯救坐視危爰整王師分道並
進今北路大兵道出神境惟神起幹西北縣互東南實
塞外之名區作內藩之屏障尚其默相翼我明威期迅
奏乎膚功永敕甯夫遠服噶爾丹之亂其兄子策妄
申昭告用布馨香惟神鑒焉噶爾丹之亂其兄子策妄
阿喇布坦棄之徙博羅塔拉原注方略康熙五十四年
爾喀汗王台吉等言我兵從此進剿策妄阿喇布坦厄
兩路一由布拉克順額米爾河尋伊犁河過阿喇布坦厄
默勒嶺一由博克達額林哈畢爾噶進闡厄奇嶺此兩
路俱至額米爾河於博羅塔拉地方會合厄奇嶺此兩
總傳噶爾丹以鄂齊爾圖孫女阿努為妻既而惡鄂齊
爾圖襲殺之何努有女弟曰阿海噶爾丹兄子策妄阿
勒布坦將以為妻噶爾丹奪取之策妄阿勒布坦怨徙
博羅塔拉乞婚阿玉奇阿玉奇以女妻之阿克敦再使
準噶爾奏噶爾丹策凌言我原在阿爾泰山陰游牧後
因動兵移於額里齊斯西里博羅他拉又因窄狹直至

蒙古游牧記十三 杜爾伯特

哈薩克布魯特交界游牧。新疆識略。賽里木淖爾在惠遠城東北二百餘里。塔勒奇嶺之北。周三百餘里。四周皆大山。其北山後有地名波羅塔拉。水草豐茂。土地平曠。舊為準噶爾游牧。今為察哈爾游牧。塔勒奇山在惠遠城北九十里。乾隆二十年。北路大軍由波羅塔拉越此山之嶺。進剿嶺險峻如關。谷中林木茂密。俗呼為果子溝。嶺下出泉。匯為大河。徑流谷中。西域水道記。博羅塔拉河。自達爾達木圖小喀倫以西。鄂克拓賽里喀倫以東。長二百餘里。夾河蔥翠。短艸長林。襟帶沃衍。牛羊散布。通謨克傳云。康熙五十六年。大軍進剿準噶爾。時策妄阿喇布坦游牧博羅塔拉。以額林哈畢爾噶為要隘。是策妄建庭於此也。迨阿逆之叛。亦居其地。方略云。乾隆二十年十二月。巴里坤辦事大臣和起。奏阿睦爾撒納。同台吉額林沁舍楞。在博羅塔拉道都托羅海地方居住。是也。二十二年。阿逆自哈薩克潛歸伊犁。又會諸賊坐牀於此。欲自為汗。兼綜諸書。足知形勢。

杜爾伯特諸台吉從之分牧額爾齊斯河。原注。塞之鑰。後出塞錄。科卜多新建土城。為大兵總駐之地。又過此一千餘里。地名鄂爾齊斯。深入賊巢。自科卜多至此。多行山澗中。僅

容一人一騎。往往行數日始能出澗。松漠州詩注。阿爾泰西面之水。皆入額爾齊斯河。西流空窩圖湖。又萬餘里。歸西海。鄂爾思寬闊也。額爾齊斯狹也。狹束如江。為西北第一巨流。補注。秋濤按。是水歸北海。非西海也。恪敏斯語偶誤。原注。西域釋地。齋桑諾爾在塔爾巴哈台。綏靖城東北五百餘里。為額爾齊斯河所匯。額爾齊斯河在城東北六百餘里。為科布多界。此水發源東南山中。滌澗環繞。匯入齋桑諾爾。又西北溢。出流入俄羅斯境。新疆識畧。額爾齊斯河出阿爾台山。為華額爾齊斯。西北流。會喀喇額爾齊斯河。又西北會蘇布圖河。又西北會庫魯圖河。又西北會罕達海圖河。又西北會奇蘭河。又西北會博爾齊河。又西北會阿勒哈布河。又西經瑪呢圖噶圖勒干喀倫北。又西豬為齋桑淖爾。淖爾又西受布崑河。南受果爾莫孫河水。東南受俄棟果勒水。東北受哈流圖水。淖爾復出水。西北流。科爾沁河入之。又東北那林河入之。又西北入俄羅斯國界。其下游歸布克圖爾瑪河入之。又西北入俄羅斯國界。其下游歸於北海。補注。褚廷璋西域詩。額爾齊斯。西州直北。勢憑陵。瀚海迢遙。過白登。鈴澤風高。奔怒馬。金山雪暗。下饑

鷹會傳舊壤開都伯僅見降王保策凌四部蟲沙成底
事好將忠謹化驍騰注云今烘郭圖淖爾譯言鈴澤都
爾伯特急讀 乾隆十八年冬因畏準噶爾偏率族內附
則成成都伯

原注準噶爾台吉舊有策凌惇多卜二大策凌惇多卜
善謀小策凌惇多卜以勇聞策旺阿拉布坦及子噶爾
丹策凌之子而自立大策凌惇多卜孫達瓦齊襲殺噶爾丹
策凌之子而自立小策凌惇多卜孫納默庫濟爾噶爾
與搆兵各令杜爾伯特族助杜爾伯特台吉車凌等欲
拒之不敵欲事之莫知所從集族謀曰依準噶爾非計
也

準噶爾東烏蘭嶺烏英齊而行越旬有九日至博東齊
遣使馳赴巴顏珠爾克以降故告定邊左副將軍親王
成袁札布以聞

上遣侍郎玉保齎賞物往迎
穀種取諸歸化城復 賜牛羊贍之定牧札克拜
達里克穆案杜爾伯特部俗兼耕牧視喀爾喀專逐水
艸游牧者異故乾隆二十年大兵征達瓦齊豫
道且善耕 詔簡宰桑以工巧卒百導赴額爾齊

斯將俟大功成即以界 補旋依內蒙古例編置佐領以
杜爾伯特部永為世業

札薩克領之 秋濤按杜爾伯特台吉惟三車稜最
稜者曰車稜曰車稜烏巴什皆鄂木布岱青和碩齊奇
日車稜蒙克為達賴泰什弟保伊勒登裔十九年正月
諭曰內札薩克及喀爾喀咸設正副盟長董理牧務今
新降台吉車稜等攜至戶口悉編旗分佐領其設正副
盟長如例 賜賽因濟雅哈圖名五月

幸熱河三車稜率諸台吉入覲 賜宴萬樹園觀
火戲 諭曰杜爾伯特台吉車稜等皆準噶爾渠
酋向慕仁化率萬餘眾傾心來歸宜敷渥澤錫子封爵
以示懷柔至意其各銜所屬令安分謀業勿負朕恩時
所部設札薩克十有三車稜外曰色布騰曰瑪什克
特穆爾曰根敦曰班珠爾曰剛曰巴圖蒙克曰瑪什克
貝子公一等台吉有差攻是年所封杜爾伯特諸王貝勒
貝子公一等台吉有差攻是年所封杜爾伯特諸王貝勒
蒙克特穆爾旋即叛去捕獲伏誅餘皆忠順世襲封爵
其他別以功受封者曰額布根曰剛多爾濟曰羅卜藏

蒙古源流卷之三 杜爾伯特七

杜爾伯特七

杜爾伯特七

杜爾伯特七

杜爾伯特七

杜爾伯特七

杜爾伯特七

杜爾伯特七

杜爾伯特七

杜爾伯特七

杜爾伯特七

杜爾伯特七

杜爾伯特七

杜爾伯特七

杜爾伯特七

杜爾伯特七

杜爾伯特七

杜爾伯特七

杜爾伯特七

杜爾伯特七

杜爾伯特七

杜爾伯特七

杜爾伯特七

杜爾伯特七

事蹟備詳。原所部左翼十一旗，右翼三旗，附輝特二旗。

於各旗下。凡十有六旗。補注秋濤按今會典圖及說皆作左翼三

二字互易。左翼十一旗，曰札薩克特固斯庫魯克達賴

汗旗，博羅納哈勒九世孫車稜。補注即後稱汗車稜者也。一作車楞。初為

準噶爾屬。乾隆十八年，以達瓦齊不足事，率部眾來歸。

從者三千百七十餘戶，口以萬計。詔封札薩克

和碩親王。二十年，授參贊大臣。從西路軍征達瓦齊，伊

犁定。賜食親王雙俸，增護衛員倍之。尋率新降

台吉入。覲封杜爾伯特汗。賜特固斯庫

魯克達賴號。補注皇輿西域圖志云：晉封特古斯古魯克汗。授左翼盟長。補注

是年，訥默庫叛，竄烏里雅蘇台。辦事大臣阿爾賽、借車

稜等以兵擒之。及其孥械至，論如律。籍其屬分給車稜

眾乘徙，牧有劫驛騎者，參贊大臣舒赫德、巡軍汛至努

克木倫，聞之往詰。車稜察劫者以獻，請論罪。諭

嘉其恭順。詔車稜率兵從剿。二十二年，車稜請徙烏梁海

木。眾甚為靜謐。邇因叛賊紛起，亟請內徙游牧。其歸附之

心益堅。可允所請，並給穀種，令為謀生資。貝勒巴圖博

羅特輔國公舍稜不從。車稜等徙牧，叛應阿睦爾撒納。

副都統瑚爾起以兵擒諸輝巴朗山。妻孥悉論誅。噶勒

雜特宰桑哈薩克錫喇附阿逆叛。大軍將由西路進

剿。或勢窮力蹙，逃赴哈薩克境。爾等其簡兵防守游牧

並堵禦。通哈薩克隘口，遇賊竄即擒獻。此特為保護所

部游牧計。非令其出兵協剿也。會哈薩克錫喇遣人來

誘叛。車凌械赴科布多軍，而自攜其眾徙牧和通呼爾

哈諾爾。旋定牧。二十三年卒。補注上以車凌識時

於烏蘭固木。

蒙古源流卷之三 杜爾伯特八

慕義率屬歸誠始終効力鈐收靜謐軫悼

賜賻

祭原于索羅木哀布襲補授盟長

詔勤習牧務

補注六月索羅木哀布以疾故請往禮哲布尊丹巴呼圖克圖

部所係甚要聞索羅木哀布襲封後時有疾今已授巴桑為副盟長巴桑亦係少年恐不更事親王車凌烏巴

什貝子瑪什巴圖等誼關同族自應視如一體務宜悉心協助加意辦理不可稍存彼我之見二十五年

先定杜爾伯特管旗章京策塔爾尼達喇喀爾喀女

也鈐所部眾嚴策塔爾尼達喇喀爾喀副管旗章

京巴顏克什克訴之成哀札布所遣員往訊僉直哈屯

別以和通代之偕巴顏克什克助汗哈屯理牧務

宜重罪之或以新附尚未悉禮法姑從寬免然亦不可仍留舊地致起衅端其詳勘欺主滋事不受哈屯約因計陷之者解送京師成哀札布遵

爾黨十四人械至

詔於福建廣東安置牧產給

索羅木哀布勿歸公既而布尼達喇請以巴顏克什克

代管旗章京職

訴因而獲罪若令代之則無知者妄生希倖反以互許為能且管旗章京既有和通理

之巴顏克什克令其協助足矣三十四年卒子瑪克蘇

爾札布襲四十七年

詔世襲罔替

旗札薩克多羅郡王游牧汗車凌從叔父車凌蒙克

一作策乾隆十八年偕車凌車凌烏巴什來歸所部號

之為三車凌車凌蒙克行既尊且兼領巴約特務以故

從車凌蒙克至者凡七百餘戶戚屬僅百有十四餘皆

巴約特屬隸之者

詔封札薩克多羅貝勒二十年授參贊大臣從西路軍進征伊犁定晉爵多羅郡王

杜爾伯特

補督所部兵駐防伊犁

補注以定西將軍班第奏也先

子巴朗及巴雅勒當行。巴朗詭稱疾不之從。巴雅勒當

復固辭弗許。攜就道。巴朗挾屬眾二百餘遁。族台吉蒙

克特穆爾從之。詔將軍策楞等緝巴朗及蒙

特穆爾務獲其從逃眾悉宥。巴朗偕蒙克特穆爾由北

路間道行。徑烏克嶺。哈布塔克拜達克奇蘭阿拉克台

布哈和洛諸境。聞追軍至。輒逸。遂竄匿。準噶爾境其從

逃之沙拜塔爾瑪琳等。後先脫歸。詔宥罪給

車。凌蒙克轄之。及伊犁平。獲巴朗等。諭車凌蒙

克曰。爾父子前來歸誠。冀受朕恩。甫入覲。爾子巴朗乘

間遁。不獨負朕恩。且悖汝志。情罪甚重。國法難貸。念爾

誠心感戴。効力從軍。爾孫巴布勒或為巴朗所逼。或與

巴朗同謀。皆可置之不問。以加恩爾。故特宥之。俟至烏

里雅蘇台。仍遣赴爾游牧。爾其知之。巴朗及蒙克特穆

爾尋械至。上告祭太廟社稷。御

午門樓行受。原二十二年卒。次子巴雅勒當襲。補二十

三年卒。無子。以弟博斯和勒襲。四十六年卒。子納旺索

諾木襲。四十七年。詔世襲罔替。原中左

旗札薩克多羅貝勒游牧汗車稜族弟。原傳作色布

騰。乾隆十八年來歸。封多羅貝勒。授札薩克。補初車

所屬巴啟齊倫等。叛逸喀爾喀。詔諸札薩克七

獲治罪。時色布騰從三車凌來。善約眾。三車凌以告我

視牧大臣。詔色布騰參贊軍務。選所部兵二百

痘。偕內大臣薩拉爾。議招烏梁海及札哈沁。復以所部患

迎勞之。諭色布騰馳赴張家口外。命大學士傅恒二

十年。授參贊大臣。從西路軍進征。阿逆叛。詔赴

烏里雅蘇台。偕駐防大臣籌辦軍務。仍授參贊大臣。加

郡王品級。補注先是色布騰自請率兵剿阿逆。

以色布騰與阿逆夙怨。且悉額魯特情。慰諭歸牧。未幾

里雅蘇台籌軍務。以所部兵從。悉給俸餉口糧。色布騰

蒙古源流記十三 杜爾伯特

命即馳就道

諭曰色布騰自歸誠以

來奮勉効力征準噶爾頗著勤勞且聞朕旨即以兵馳
赴烏里雅蘇台軍急公任事誠可嘉予著賞郡王品級
若能更立殊勲朕當加以重賞今由西路進兵擒額魯
特叛賊北路尚無所事惟新收汗哈屯烏梁海及續降
輝特眾應加防範著色布騰留心體察既抵軍營妻孥
悉令隨往所有陳奏軍務著列名於喀爾喀親王尋以
成哀札布桑齋多爾濟之女都統雅爾哈善之前

疾道卒

賜賻祭子巴桑襲二十三年授副盟

長補

二十六年從剿瑪哈沁宰桑色布騰

補色布騰

桑叛去流為瑪哈沁巴桑從喀爾喀郡王車木楚克札
布等剿之偵走俄羅斯以兵屯鏗格爾圖喇遣使索俄
羅斯拾色布騰及逆黨百餘以獻

賜幣二十七年

詔杜

爾伯特左右翼各設副將軍一左翼用正白旗纛以

敕印軍符給之授巴桑為左翼副將軍四十七年

詔世襲罔替

原注

原中前旗札薩克輔國公游

牧汗車凌族弟剛乾隆十八年來歸授今爵補三十三

年卒子札納巴克襲四十七年

詔世襲罔替

佐領

原

中後旗札薩克輔國公游牧汗車凌從叔父巴

圖蒙克

原注一作

乾隆十八年來歸授今爵補二十三

年奉檄圍明噶特于烏蘭固木河

詔量加賞賚

補注

烏梁海種

人明噶特舊為額魯特屬

大軍定伊

林喀喇泥叛遁定邊左副將軍成袞札布檄巴圖蒙克
追之遇諸烏蘭固木河環以兵不即降中夜圍稍懈賊
乘閒逸成袞札布効之

詔免飭責仍量加賞賚三

十九年卒次子烏喀斯襲四十七年

詔世襲罔

蒙古源流卷之三 杜爾伯特

替原佐領一原中上旗札薩克固山貝子游牧汗車稜族

弟瑪什巴圖乾隆十八年來歸封札薩克輔國公二十

年從征達瓦齊補追至格登山庫魯克嶺補注時達瓦

竄踰庫魯克嶺諸軍分道躡皆以馬疲返惟瑪什巴圖

借車凌烏巴什率輕騎八百尾之西域釋地格登山

在伊犁將軍所駐惠遠城西南百里乾隆二十年達瓦

齊結營此山兵近萬人面淖背巖以自固巴圖魯侍衛

阿玉錫等三人率二十二卒策馬仰攻破其營降六千

五百騎達瓦齊遁又貢古魯克山在烏什城北山自西

而東絲瓦無極北有巴克塔山口通布魯特游牧又其

北庫車山口雅滿素山口皆通布魯特達瓦齊由格登

山竄踰庫魯克嶺烏什伯克霍集斯給捻以獻庫魯克

疑即貢古魯克之謬乾隆二十五年遣官告

祭格登山祭文曰詰戎龕暴斬遐邇之綏安蕩穴焚巢

荷神人之協應乃者準噶爾以諸蕃瓦解款塞請兵達

瓦齊當累世貫盈負嶠假息方王師壓境窮鱗尚戀泥

蟠而裨將選鋒鍛羽難延株守廿五騎自天而下不藉

梯衝六千人無地可容悉縻纒組湖國威之遠暢晴神

貺之不昭緬爾時呵護斯存會著翻營勝蹟迨今日殿

懸用薦還依表碣雄風秩我明禋惟神欲格又

欽頌歲春秋祭祝文曰惟神位正金方勢崇西極鎮準

葛爾之全部夙著靈奇導岡底斯之羣峰不宣氣化職

方未載乃應運而服懷柔王會新圖早報功而行刊旅

從龍在望報饗宜虔朕爰定遐荒削平大漠負陰抱陽

之類莫不尊親出雲降雨之司咸同覆載惟格登山之

雄峙環伊犁河以高騫地險爰標神功攸懋當奪壘拴

生之日助王旅以宣威值磨崖紀績之辰翼天庥而效

順作屏遠服載揚赫濯聲靈考制名山用展度懸典物

令先期而誨吉俾時享以薦馨康我邊陲永秩春秋之

祀表茲絕域式垂山海之經雉譯咸通鴻圖舉固聿將

芬苾庶克欽承禱禱延璋西域詩吹梯空勁旅倚孱顏

逕出盤雕落雁間波浪遠翻圖庫水風雲高護格登山

千屯此日開榆塞十箭當年阻玉關碎葉長川流不極

猶懸邊月照潺湲自注巴圖魯阿玉璽以二十五人敗

六千餘眾於格登山在吹東境圖斯庫爾河即唐時碎

葉川又名細葉川亦名素葉水今伊犁河西之水此為

最大周廣六百餘里自圖斯庫爾北岸傍吹河西北行

蒙古源流卷之三

杜爾伯特

三

五百餘里。總名為吹。今屯種之所。唐沙鉢羅陁利失可汗分十部。部授一箭。曰十箭。程知節討之不克。蘇定方督軍進討。敗之。分西突厥地。置崑陵都護府。居碎葉川。西濛池都護府。居碎葉川東。以彌射為興。昔亡可汗押咄陸部落。以步真為繼。往絕可汗。押

貝子。補二十九年卒。子布延濟爾噶勒襲。四十四年卒。

子和託羅襲。四十六年卒。子鄂勒哲布圖庫襲。四十七

年。詔世襲罔替。原注佐領一。原中下旗札薩克一等

台吉游牧汗車凌族叔父達什惇多克。乾隆十八年來

歸。授今爵。補二十三年卒。子寶貝襲。四十七年。

詔世襲罔替。原注佐領一。達什惇多克內附。其從子卓

琳哈畢爾噶及伊犁河濱。不獲從。乾隆二十年。原中前

左旗札薩克一等台吉游牧汗車凌族子額布根。乾隆

十八年。額布根及兄蒙克特穆爾弟齊巴克等。從三車

凌來歸。詔封蒙克特穆爾札薩克固山貝子。尋

附車凌蒙克子巴朗叛。遁額布根。慚奮。請從大軍進征。

且擒叛黨自贖。諭獎其知大義。授今爵。補二十

二年卒。原無嗣。弟齊巴克襲。補四十七年。詔世

襲罔替。原注佐領一。原中前右旗札薩克固山貝子游牧汗

車凌族子班朱爾。乾隆十八年來歸。授今爵。尋卒。從弟

奇塔襲。補四十四年卒。子羅卜藏薩布坦襲。四十七年。

詔世襲罔替。原注佐領一。原中後左旗札薩克一等

杜爾伯特

台吉游牧汗車稜族弟恭錫喇乾隆十八年來歸授今
爵補二十一年卒子車登襲四十五年卒子諤勒哲鄂
羅什瑚襲四十六年卒弟烏巴什襲四十七年

詔世襲罔替原注領一原注中後右旗札薩克一等台吉游

牧汗車凌族子巴爾乾隆十八年來歸授今爵補三十
三年卒子布達什哩襲四十七年原注領一原注中後右旗札薩克一等台吉游

三年卒子布達什哩襲四十七年原注領一原注中後右旗札薩克一等台吉游
原注無佐領先是巴爾戚屬哈薩克巴蘇太巴朗尼瑪
等游牧額琳哈畢爾噶不獲從巴爾內附乾隆二十年
大軍臨境迎降凡五十原注附輝特一旗曰下前旗札薩
六戶原注詔給巴爾

克一等台吉游牧輝特始祖札巴甘墨爾根有子烏達
納諾顏十傳至鄂羅哩克和碩齊子三長達什次濟木

巴次鄂木布達什子色布騰色布騰子班珠爾班珠爾

子二長達瑪璘次曼濟初輝特為杜爾伯特屬游牧塔

爾巴哈台補注見北路舊補注世為婚姻達瑪璘杜爾伯特

長車凌女夫也準噶爾亂達瑪璘攜孥遠徙族屬奔赴

額琳哈畢爾噶原注額琳哈畢爾噶山在伊犁城東北
軍兆惠等由此進兵補注乾隆二十二年再定伊犁將

文曰朕寅紹丕基輯甯幽夏荷百靈之效順美報必伸
當萬里之奏功明禋成秩惟神遐荒迴時靈應夙昭高
塔天山遠通月髓屬當逆賊阿睦爾撒納負恩狡叛竄

跡僑棲收拾殘黎誘招諸部復鳴張而起事旋蠶食以
逞謀游牧至斯披猖寢甚鄰近皆潛為烏合逆酋漸欲
肆螳當已而王旅驟加賊軍輒駭四山艸木盡助聲威
諸嶺風雲俱增叱咤奔鹿遂不遑擇蔭窮魚乃自絕游
魂雖迫躡逋逃又閱時而竣事而摧拉枯朽實從此以
振威信乎奉天討以出師明神威祐茲者歲武功而底

續秩祀宜申用昭右序之文遣祠官而致享永作西陲
之鎮鞏邊圉以救甯二十五年從辦事大臣阿桂奏列
於祀典春秋致祭二十七年欽頒歲祭祝文曰
惟神保障遐方奠基西土層巒內拱在漠南綏靖之前
協氣遙迎當闢外奮揚之日逐飛廉於塞外入公之艸
木皆兵示象鼎於寰中九牧之神姦悉化輯甯有地報
享宜頌朕底定荒陬又安絕域懷柔所及龍堆盡列於
版圖撫馭攸加月窟咸通於聲教馘酋潰竄頭屢觸於
不周勝旅先登尸遂陳夫貳負凡膚功之迅奏實靈效
之克彰用奉明禋永垂嘉典峙金方而作鎮著神功於
華嶽以西表翠嶂以為屏秩祀典於流沙之外尚期出
雲降雨遠敷惠澤於邊疆惟茲酌醴牽牲敬念普存於
民力神其來格鑒此苾芬原注西域水道記注準語額
琳謂閒色哈畢爾噶謂旁肋在博克達山西入百里哈
屯博克達山西一百里博克達山尊如人首額琳哈畢
爾噶如旁肋居元首左右天山最高峯為博克達則左
右山皆可謂之額琳哈畢爾噶今據告以故三車凌內
附達瑪璘不獲從至乾隆二十年車凌以所部從征達

瓦齊次額琳哈畢爾噶達瑪璘屬戶四十餘乞降伊犁

定賜杜爾伯特諸台吉游牧地達瑪璘聞之聞

道至烏里雅蘇台攜戶六十餘請內徙隸車凌牧

詔授札薩克一等台吉從眾編佐領如杜爾伯特例

四十一年達瑪璘卒無嗣以弟曼濟子布爾布達爾濟

襲補四十七年原注佐

旗日前旗札薩克和碩親王游牧汗車凌從子車凌烏

巴什原注一作策原注乾隆十八年從車凌來歸從者千二

百餘戶詔封札薩克多羅郡王二十年授參贊

大臣從西路軍進征原注並賞三眼孔雀諭常服之伊犁定晉封

和碩親王授右翼盟長補注二十二年車凌請徙牧烏

或從往或游牧科布多補注惟其便時副都統唐喀祿往諭

諸部道遇車凌烏巴什徙就車凌唐喀祿語曰額魯特

哈薩克錫喇叛擾額爾齊斯我將赴西路軍協剿車凌

烏巴什遣護衛巴顏及卒三十從之且稱額爾齊斯及

烏隆古地值盛夏多蚊蛇道不可行額琳哈畢爾噶斯哈

布塔克拜達克皆以察罕郭勒為要汛請往禦賊於其

地唐喀祿悉疏以聞上嘉其誠順且明大義並

諭車凌烏巴什等知之二十四年十月以回部平

伯特以兵三百餘擊走得旨獎賚二十五七年

月或告車凌烏巴什將叛欲陰陷之成哀札布以間

上鑒其誣詔勿問尋入覲扈

蹕行圍奏所部蒙恩安置牧產漸饒嗣請自

備駝馬上嘉其誠悃不忍驟勞之

官給駝馬準部相撲之戲必祖禘從事雖蹶不釋控首

屈肩至地乃為勝是年秋車凌烏巴什隨木蘭行圍俾

準人為戲上嘉其壯賜之羊驪則拱

翔去吞歡喜無量據云準噶爾自喇嘛達爾札構釁後

日就凋敝不得如此補注二十七年詔杜爾伯特

左右翼各設副將軍一右翼用正黃旗纛給敕印

軍符授車凌烏巴什右翼副將軍命御前行走

賜岱青卓哩克圖號二十八年以兵緝烏梁海

叛賊庫克辛誅之補注庫克辛走俄羅斯道掠哈薩克

圖郭爾馳往擊賊潰竄尾至林際獲之斬庫克

辛及從黨五十八人俘其孥及戶七十餘歸

詔賜幣補注有台吉巴朗者其甥也幼被哈薩克掠至

西域圖志乾隆乙酉年於熱河避暑山莊之東北岡

如固爾札規制建安遠廟凡達什達瓦部眾之隸居熱

河及都爾伯特親王策凌烏巴什等以朝賀至其地者

咸資瞻禮御製安遠廟瞻禮書事詩序備記其

事四十年入覲京師原注車凌烏巴什先因

云

蒙古源流卷十三

敢至內地。至是已出痘。入紫光閣。命進酒御前。上元夕。觀京師。 詔觀燈火。

出痘者也。御製詩紀之。有額魯近多。四十七年。 詔

世襲罔替。補注 諭曰。車凌烏巴什初封郡王。繼

以來。鈐束所屬。恪慎供職。且在御前行走。有

原卒。無嗣。以從姪孫固魯札布襲。原注 佐領十一。先是

噶爾台吉。達瓦齊約達什。及車凌烏巴什。挈眾內附。達

什等將從之。已而懼。以其謀告喇嘛達爾札。擊達瓦齊

擒其眾之半。達什車凌烏巴什兄也。達什子訥默庫。從

車凌烏巴什內附。封和碩親王。乾隆二十一年。以附其

姊夫阿睦爾撒納叛。誅。原前右旗札薩克多羅貝勒

游牧汗車凌從子剛多爾濟。乾隆十九年。自準噶爾挈

戶千餘來歸。詔封今爵。補 二十年。授副盟長。

大兵之自伊犁旋也。杜爾伯特設正副盟長各三。從車

凌至者。分左右翼。曰車凌。曰車凌烏巴什。為盟長。曰色

布騰。曰車凌蒙克。副之。從訥默庫至者。別。二十一年。訥

默庫叛。諭曰。剛多爾濟自授副盟長以來。鈐束

部眾。尚為安謐。著即授為盟長。三十二年。原卒。無嗣。以

弟貝子額爾德尼子達瓦丕勒襲。補 四十七年。

詔世襲罔替。原注 佐領二。剛多爾濟兄布圖克森羅壘

無嗣。雲端皆封貝子。乾隆二十二年。相繼卒。皆

尼轄之。補注 秋濤按羅壘。雲端。一作洛壘。雲端。原中右

旗札薩克固山貝子游牧汗車凌族弟根惇。補注 一作根敦。乾

隆十八年來歸。詔封札薩克固山貝子。二十一

年卒。子扣冒襲。三十三年。扣冒卒。無嗣。詔以根

杜爾伯特

惇之弟雙和爾降襲鎮國公補四十五年卒子諤勒哲

鄂羅什瑚襲四十七年 詔世襲罔替 原注佐領二 原

附輝特一旗曰下後旗札薩克一等台吉游牧達瑪璘

從叔父羅卜藏乾隆二十年大軍定伊犁羅卜藏率屬

丙附 詔授今爵隸杜爾伯特游牧 補二十一年

卒子亥布襲四十七年 詔世襲罔替 原注佐領一 原

凡十六札薩克同游牧科布多金山之東烏蘭固木地

原注初三車麥率屬來歸 賜牧札克拜達里克

將軍策楞請徙之歸化城大青山東 上慮滋新

降疑懼不許已而車麥族台吉訥默庫等輝特台吉阿

陸爾撤納和碩特台吉班珠爾等相率內附 詔

賜牧塔楚河鄰三車麥牧二十年十二月車麥等以乏

牧產請徙額克阿喇勒 諭曰前議平定伊犁後

遣歸額爾齊斯舊牧若額克阿喇勒距額爾齊斯較札

克拜達里克路更邇且附內汛外調所部兵亦易俟檢

獲阿逆後仍當遣歸舊牧訥默庫之從征達瓦齊也請

徙牧拜達里克北札布堪河源博羅喀卜齊爾至鄂爾

海喀喇烏蘇界 允之 諭努力成功勿念

庫附阿逆叛竄駐防烏里雅蘇台大 臣械其孥至論如

律 疑懼二十一年七月三車麥等徙牧額爾齊斯烏梁海

就無以烏蘭固木地與之 十二年諸額爾齊斯叛擾邊

車麥等請徙往烏蘭固木 上遣使勘定地界車

凌等復請以烏蘭固木為耕屯地而游牧於科布多額

克阿喇勒 詔可尋以錯牧不便定烏蘭固木為

杜爾伯特游牧別以科布多產貂不給捕請徙就阿爾台

烏梁海察達克以科布多產貂不給捕請徙就阿爾台

陽額爾齊斯車麥烏巴什等奏察達克所請地係烏梁

海舊牧距臣等牧遠且烏蘭固木地沃衍臣等游牧久

請勿徙以額爾齊斯地給烏梁海 詔如所請游

牧乃定 補注 藩部要略康熙二十九年罕都阿喇布坦

蒙古游牧記十三 杜爾伯特

漠方略康熙三十二年厄魯特降人鄂欣等奏言噶爾丹在和卜多之源其地名索和克薩里補西秋濤按和索和克薩里地在金山之旁是時尚為噶爾丹所據嗣古木地接科布多設障開屯亦為要汛原注方略康熙五十四年七月費揚古奏以屯田事詢喀爾喀土謝圖汗等據稱蘇勒圖喀喇烏蘇拜達里克河明愛察罕格爾庫爾奇勒札卜罕河察罕度爾布拉克罕口烏蘭古木等處俱可耕種後都統穆賽等疏言烏蘭古木在新設汎界之外地並山坡山溝不便耕種其科卜多有延圖郭勒等處耕種收穫甚多應預備籽粒田器給與公傳爾丹率土默特人一千及出兵歸化城之士默特兵一千令往耕種五十五年二月諭議政大臣等種地得收則諸事俱易尋議現今公傳爾丹等率土默特人一往烏蘭古木等處耕種所需牛種田器應令都統穆賽等支帑購買發往軍前贖罪人等有願耕種者許其耕種俟收成後以米數奏聞議敘五十七年閏八月議政大臣等議應令將軍傅爾丹等於科卜多烏

蘭古木所在築城墾田建置房舍設立驛站六十年十一月征西將軍祁里德疏言今春三月遣官兵在烏蘭古木特里河邊耕種每麥種一斗收麥二石有餘地暖土肥請於來年多墾之可望大收所收糧自特里運至烏巴薩池更以過渡小船由特里河至營省費而於餉有益六十一一年七月祁里德疏言前移都統圖喇等令速諭總理屯種事蘇永祖赴烏蘭古木等處平治田畝開濬溝渠乘時播種復派前鋒統領卜柱及札薩克台吉根惇等統兵一千前赴烏蘭古木度形勢立營伍以資防守隨據蘇永祖呈報烏蘭古木地土肥饒水泉雖少儘可引溉乘農事畢引水入地來春東開及時播種可增闢田畝十月奉旨據祁里德疏言在科卜多烏蘭古木等處開墾耕種因土沃水裕今年所得麥子一倍收有六倍請明年添種千石及詢問齋呈麥麩之阿禮等據云科卜多烏蘭古木地方廣闊開墾之處頗多原係厄魯特等耕種人力移武將軍傅爾丹疏報烏蘭古木以多收雍正二年十月振武將軍傅爾丹疏報烏蘭古木敦再使準噶爾奏噶爾丹策凌言

蒙古游牧記十三

必欲定界今厄魯特不得逾阿爾泰山梁自哈拉巴爾圖克至薩克賴烏蘭古木額克阿拉爾南巴爾魯克烏薩克嶺一直為界我厄魯特沿山陽游牧喀爾喀照舊在查布堪游牧補生歷考諸書足知烏蘭古木之關係邊防不亞於

原東至薩拉陀羅海納林蘇穆河

科布多矣案納林蘇穆河發源特斯河西南流六十餘里與古薩爾泊水會西北入烏布薩泊會典圖說烏布薩泊在杜爾伯特左翼旗北西與北接唐努烏梁海界喀喇奇拉河古薩爾泊水俱出杜爾伯特左翼旗北流薩克里哈拉河亦出杜爾伯特左翼旗東流俱旗北流薩克里哈拉河亦出杜爾伯特左翼旗東流俱豬於烏布薩泊按入烏布薩泊之水除納林蘇穆河及圖說所舉外東有特斯河和賴河東北有特里河北有伊爾道光二十二年進呈新修一統志唐努烏梁海道五旗定邊左副將軍轄烏梁海二十五佐領二在德勒格爾河東岸東與土謝圖汗部右翼右未次旗接南與賽因諾顏部中末旗接二在庫蘇古爾泊東北四當貝克穆河折西流處三當謨和爾阿拉河源四當噶哈爾河源俱北與俄羅斯為界十在西北跨阿勒坦河

阿穆哈河亦與俄羅斯為界札薩克圖汗部所屬烏梁海五佐領一在庫蘇古爾泊北一在德勒格爾河西岸南與札薩克圖汗部中左翼左旗接一北臨貝克穆河西與南俱臨華克穆河一在謨什克河西一當札薩克河源賽音諾顏部所屬烏梁海十三佐領俱南依鄂爾汗山西與科布多所屬阿勒坦淖爾烏梁海二旗接北與俄羅斯為界哲布尊丹巴呼圖克圖門徒所屬烏梁海三佐領在陶托泊北西臨華克穆河北與俄羅斯為界南至哈喇諾爾齊爾噶圖山

蒙古存文已三杜爾伯特

札布噶河自札薩克圖汗部西北流東南納空歸河又西北會奇勒稽思泊愛拉克泊水西流東南合都爾根泊喇泊水經明阿特旗汗部中左翼左旗之屬阿特出於烏梁海後為札薩克圖汗部中左翼左旗大臣游牧在科布多城西新修一統志屬科布多旗贊大由塔拉布拉克起至齊爾噶圖山科布多河止與杜爾伯特連界南界由齊爾噶圖山起沿科布多河北岸至遼都里山止與喀爾喀屯田兵厄魯特連界西界由茂垓起至察罕布爾噶蘇止與杜爾伯特連界北界由茂垓起至察罕布爾噶蘇

烏蘭布拉克塔拉布拉克西至索果克河。原注接阿爾台
 克止與杜爾伯特連界。圖說科布多河出阿爾泰烏梁海旗為索果克河東流
 南合湖爾噶泊輝漢泊和通泊水東北流西合噶斯河
 折而東南流經輝特下前旗杜爾伯特右翼旗南合塔
 爾巴泊托爾博泊水北合烏里雅蘇圖河根德克圖泊
 戴舒爾泊水遂名科布多河東南流經額魯特旗西北流來會
 又東流入阿爾泰烏梁海旗經額魯特旗西北流來會
 薩克里山麓有石人具蒙古冠服相傳為元太祖像以
 示遠國之願瞻仰者又曰科布多河在烏里雅蘇台西
 北千里濱河為城大兵駐此科布多河由愛拉克湖伏流
 東面之水皆入此河與札布韓河合由愛拉克湖伏流
 入於烏山藏湖愛拉克譯曰酸乳烏卜藏譯曰寶藏
 則愛拉克湖為今伊克喇克泊烏卜藏湖當即烏布
 薩泊也。又松漠詩注烏鼠同穴科布多河以東徧地有之
 克阿拉里譯曰慈母湖相傳康熙年間大軍征策妄阿
 拉卜坦敗遁此湖居之經年所部食魚為活因比之為
 慈母慈母湖之南有山如椅曰墨爾根西克譯曰賢島

三面臨湖中多茂艸野羸踞為窟較家畜稍大惟土黃
 一色出飲湖水常百十為羣有象其駒者終不受鞍勒
 乘之不能成步穆案窩克阿拉里疑即今圖之伊克阿
 喇克泊惟策妄無敗遁居此之事恐係噶爾丹之誤
 又松漠艸詩注烏鼠同穴科布多河以東徧地有之
 午鼠蹲穴口鳥立鼠背蒙古人謂雀為鼠之甥鼠名鄂
 克託奈譯曰野鼠色黃雀名達蘭克勒譯曰長脛雀
 新修一統志阿勒拉烏梁海部七旗東界由都魯淖爾
 起至哈叨烏里雅蘇台止與厄魯特連界再由哈叨烏
 里雅蘇台起至西伯爾沙札該山烏圖淖爾之南山止
 與喀爾喀屯田兵連界東南界由惠圖僧庫爾起至都
 木達僧庫爾浩賴僧庫爾之北山哈爾察克止與札哈
 沁連界再由哈爾察克起至綽和爾淖爾那郭幹淖爾
 之中山清依勒河那彥鄂博昌罕阿爾波木烏隴古河起
 土爾扈特和碩特連界南界由烏蘭波木烏隴古河起
 至巴噶淖爾止與塔爾巴哈台所屬土爾扈特連界西
 南界由巴噶淖爾起至噶勒札爾巴什淖爾北岸納林
 哈喇山止與塔爾巴哈台所屬土爾扈特連界再由納
 林哈喇山起至碑爾素克託羅垓起至巴爾哈斯淖爾止與
 界西界由碑爾素克託羅垓起至巴爾哈斯淖爾止與

喀倫連界北界由巴爾哈斯淖爾起至哈賓里達巴止
與喀倫連界東北界由哈賓里達巴起至哲斯達巴止
古勒雅素沿索果克河科布多河西岸習集克圖河止
與杜爾伯特連界又有阿勒坦淖爾烏梁海部二旗在
索果克喀倫外東界由哈勒巴哈雅山起至布古素山
博羅布爾噶蘇河止南界由博羅布爾噶蘇起至託申
圖山習伯圖山達爾欽圖河止西界由達爾欽圖河起
至阿爾占山巴勒塔爾罕山呼巴圖嶺山止北界由呼
巴圖嶺山起至阿勒坦淖爾伯勒北至阿斯哈圖河
山楚勒坤淖爾哈勒巴哈雅山止北至阿斯哈圖河
接烏里雅蘇台界會典圖說阿爾泰泊在阿爾泰諾爾
烏梁海旗東北綽爾齊河沙克爾河巴什庫斯河阿納
哈圖河俱出阿爾泰諾爾烏梁海旗合北流豬焉東納
格吉河西納巴哈齊里河伊克齊里河郭爾達爾河
流為阿爾泰泊又西北入唐努烏梁海界新修一統志
杜爾伯特部十四旗東界由特斯河南岸起至薩拉陀
羅海納林蘇穆河察罕努嶺山與唐努烏梁海連界東
南界由杭吉勒察克起至哈布齊克布拉克山拜姓圖
之南山止與哈爾哈連界再由拜姓圖之南山起至奇
勒稽思淖爾愛拉克淖爾之南岸札布噶河河北岸塔塔

呼特喀里止與喀爾喀連界南界由塔塔呼特喀里起
至哈喇淖爾綽諾哈喇呼額可阿喇勒淖爾北岸齊爾
噶圖山止與科布多官廠連界西南界由齊爾噶圖山
起至塔拉布拉克烏蘭布拉克察罕布爾噶蘇茂瑛科
布多河東岸止與明阿特連界西界由科布多河東岸
起沿河至索果克河東岸止與阿勒坦烏梁海連界西
北界由索果克河起至蒙古勒雅素哲斯達巴噶魯圖
維和爾淖爾喀倫起至阿勒坦烏梁海連界北界由哈
克淖爾喀倫起至雅蘇台喀倫起至阿期哈圖河固爾
界再由哈喇烏里雅蘇台喀倫起至昭莫多起至罕達
班喀倫昭莫多止與喀倫連界再由昭莫多起至罕達
該圖齊爾噶蘇鄂爾濟呼布拉克阿拉克鄂博喀倫
止俱與喀倫左右翼分二盟統賜名賽音濟雅哈
倫連界左右翼分二盟統賜名賽音濟雅哈
圖孫也杜爾伯特族有伯什阿噶什者伊斯札布之曾
齊虐之大軍西征率養子博東齊族台吉烏巴什等獻
籍三千餘戶降詔封伯什阿噶什札薩克和碩
親王烏巴什札薩克固山貝子暫置從眾額爾齊斯碩
賜諭曰爾眾甫至不必簡兵往從大軍亦無須徙

內地即游牧額爾齊斯爾族台吉車凌等將歸舊牧爾
等聚族而處實為允協不必遠離故土徒勞往返也
命甫下伯什阿噶什等攜眾抵哈達達青吉勒
詔暫留俟來歲歸額爾齊斯牧二十一年九月伯什
阿噶什來朝詔編旗分佐領如三車凌例別為
一盟伯什阿噶什尋卒命以兄子丹巴都噶爾
為札薩克固山貝子弟達瓦濟特為札薩克公轄伯什
阿噶什眾聽歸車凌牧未幾族台吉布圖庫等挈屬至
稱與車凌等析處久請異牧諭曰博東齊等雖
與杜爾伯特同族若往歸之反仰賴車凌等養贍著遣
往烏里雅蘇特交車布登札布酌徙呼倫貝爾通百呼
裕爾等處後博東齊及布圖庫等咸置呼倫貝爾
秋濤按博東齊等編入駐防轄於呼倫貝爾都統歸黑
龍江將軍節制未設札薩克故附見於此不別著專條
也

補注秋濤按空窩圖湖即宰桑泊也亦曰齋桑諾爾
亦謂之鴻和爾淖爾此段添入第六葉公牧額爾齊
補注秋濤按額爾齊斯河源委甚遠至杜爾伯特耕
牧處則在宰桑淖爾北岸西域水道記云額爾齊斯

河又西北瀕為宰桑淖爾淖爾圓橢形周四百餘里
俄俄河果莫孫河注其東南納林河哈流圖河注其
東北阿布達爾摩多河注其西復從淖爾西北溢為
額爾齊斯河濱河沃衍利耕牧杜爾伯特及烏梁海
人皆曾牧於斯杜爾伯特部總傳云車凌及車凌蒙
克遣宰桑以善耕卒百起額爾齊斯督屯田二十年
四月成袁扎布屯兵由額爾齊斯移駐伊蘇圖鏗
格爾七月班師屯田兵撤還即此地也此條添入第
游歸於北海下

蒙古游牧記卷之十三 甘泉李汝鈞覆校

蒙古游牧記卷之十三 杜爾伯特三

蒙古游牧記卷之十四

平定張穆初稿

光澤何秋濤補輯

額魯特蒙古新舊土爾扈特部總敘

原土爾扈特部始祖元臣翁罕姓不著七傳至貝果鄂爾

勒克子四長珠勒札幹鄂爾勒克生子一曰和鄂爾勒

克補居於雅爾之額什爾努拉地

二百里土爾扈特部舊居其額什爾努拉地在楚呼楚山西
土爾扈特和鄂拉勒克汗與綽羅斯交惡越哈薩克投
俄羅斯西域圖志雅爾舊為準噶爾伊克明阿游牧之
所車凌班珠爾之昂吉北極高四十七度五分西三十
四度四十分秋濤按土爾扈特部徙後伊克明阿部始
游牧於雅爾圖志云乾隆二十八年於雅爾建肇豐城

蒙古游牧記十四 土爾扈特一

門四東翔和南乘離西布說北暨朔水道記則云三十年始建此城未詳孰是其地夏生白蠅遺蛆人目冬則大雪不堪其寒三十一年移城於楚呼楚即初衛拉

今塔爾巴哈台城也雅爾城故址今尚存焉

特諸酋以伊犁為會宗地各統所部不相屬準噶爾部

酋巴圖爾琿台吉者原註噶爾丹父也游牧阿爾台恃其強侮

諸衛拉特和鄂爾勒克惡之挈族走俄羅斯屯牧額濟

勒河原註所居地日瑪努托海倚騰吉思巨澤北界俄羅斯科異域錄土爾扈特國王阿玉奇汗游牧地方在俄羅斯國界薩拉托付之東南俱曠野西北兩面有佛爾

格即額濟勒河環流東南有宰河環流南有騰吉思湖額濟勒河率河俱向南流歸入騰吉思湖沿額濟勒河

俱林木有柞楊樺叢柳自薩拉托付以至阿玉奇汗所居瑪努托海地方其間有三道塔爾魯河三道胡班河

及塔爾魯河並吳魯蘇屯之小河俱向西流歸入額濟勒河其河澤內產黃蓮白蓮蘆葦蒲其額濟勒河之西岸

自薩拉托付以至騰吉思湖又有俄羅斯國屬之西拉喀穆什城名擦里岑城名噶喇斯諾雅爾城名阿斯達

爾漢諸城柏興自城池柏興以至瑪努托海地方西南一帶皆興安山嶺過此向西行百餘里俱係圖里雅斯

科國王空科爾汗所屬和邦即莽武特人居住詢問阿玉奇汗游牧地方大小據言東西可行三十日南北可

行二十日一統志騰吉思湖東西廣南北狹周圍可七八百里直波羅塔拉沙磧西北其南尚有空吉思特

吉思諸水西北流注於其內按十三排圖阿玉奇作阿裕錫所居處在北極出地四十九度西五十三度強

徐松龕中丞繼畬瀛環志略曰義羅斯國阿斯基達拉干部一作迓大罕為五藩部之都窩窩瓦河從西北來

由此入裏海兩岸草場豐美牧畜蕃庶即土爾扈特寄居游牧之地西域聞見錄謂烏巴錫因河冰未合率河

南戶口內附而遺其河北今考窩窩瓦河自西北而東南烏巴錫之東徙蓋攜其河東戶口而遺其西也其地通

衢四達西域游牧各部互市者絡驛於途故富饒為五部之最補註秋濤按騰吉思湖亦名裏海泰西人稱為

喀爾士畢安一日加斯比約一日加士比淹又曰北俄高海大地中央巨浸也詳見秋濤所著朔方備乘中

羅斯嘗與雪西洋及西費雅斯科戰。土爾扈特以兵助

之厥後稍就弱。俄羅斯因稱爲己屬。土爾扈特習蒙古

俗務畜牧。逐水艸徙。與俄羅斯城郭處異。衣冠用繪罽

復與諸衛拉特絕異。順治十二三四年。和鄂爾勒克子

書庫爾岱青補注遣使錫喇鄂木布伊勒登諾顏補注遣使錫喇尼和碩齊羅

卜藏諾顏補注羅卜藏諾顏及子多爾濟遣使沙克錫布達特爾漢烏巴什阿巴賴等相繼

遣使奉表貢書。庫爾岱青子朋蘇克。朋蘇克子阿玉奇。

世爲土爾扈特長。至阿玉奇始自稱汗。補注藩部要略先是書庫爾岱

青以巴圖爾輝台吉女爲子朋楚克婦。生阿玉奇。育巴

圖爾輝台吉所和鄂爾勒克徙牧。不復攜。後書庫爾岱

青赴唐古特還。假道準噶爾。索阿玉奇以歸。書庫爾

岱青卒。朋楚克嗣。朋楚克卒。阿玉奇嗣。始自稱汗。康

熙中表貢不絕。補注秋濤按土爾扈特長和鄂爾勒克

嗣以交惡之故。土爾扈特部遠徙額濟勒河之境。然其

戚黨之誼。仍未遽絕。是以策妄阿喇布坦乞婚於阿玉

奇。阿玉奇仍以女妻之。阿玉奇之子散札布台吉。攜衆

萬五千從往。迨阿玉奇聞噶爾丹敗走。遣宰桑以所部

兵千防諸阿爾台之土魯圖。是阿玉奇雖遠在異域。而

於準部軍務。尙非鞭長莫及。至三十五年。阿玉奇屬諾

顏和碩齊色布騰蒙克等。從策妄阿喇布坦使入貢慶

捷。相睦情形。大略可觀。自噶爾丹既滅。策妄阿喇布坦謀

并諸衛拉特。始與阿玉奇構釁。留散札布不遣。阿玉奇

索其子。乃逐散札布歸。而盡沒入其從戶。阿玉奇嫂攜

其子。阿拉布珠爾入藏禮佛。策妄阿喇布坦闌之。不得

歸。策妄阿喇布坦邀奪于路。而絕其貢道。阿喇布珠爾

歸道斷。則欵關乞內附。我朝封爲貝子。方思所以送

之歸者。而阿玉奇亦以貢道梗塞。遣使假道俄羅斯。以

五字水記十四 土爾扈特

十一年復遣使假道俄羅斯貢方物 上嘉其誠

且欲悉所部疆域 遣內閣侍讀圖理琛等齎

敕往歷三載乃還阿玉奇附表奏謝 原注四庫全書總目提要

異域錄二卷 國朝圖理琛撰 康熙五十一年五月圖
理琛以原任內閣侍讀奉 命出使土爾扈特由
喀爾喀越俄羅斯國至其國五十四年三月回京復
命因述其道里山川風物產以及應對禮儀隨
日記載其體例略如宋人行記所歷俄羅斯境曰楚庫
柏興曰烏的柏興曰柏海爾湖曰尼爾庫城曰昂噶拉
河曰伊聶謝柏興曰麻科斯科曰揭的河曰那里木柏
興曰蘇爾呼忒柏興曰薩瑪爾斯科曰狄木演斯科曰
托波爾曰鴉班沁曰費雅爾和土爾斯科城曰費雅爾
和土爾斯科佛落克嶺曰索里喀穆斯科曰改果羅多
曰黑林諾付曰喀山曰西穆必爾斯科曰薩拉托付曰
塔拉斯科曰托木斯科曰伊里木城皆其大聚落也其
地為自古輿記所不載亦自古使節所未經如史記述
匈奴北海上頗作疑詞故儒者類言無北海今據圖理

琛所記知伊聶謝柏興距北海大洋一月程又唐書稱
薛延陀夜不甚暗猶可博奔僅得之於傳聞圖理琛以
五月至其地知夏至前後確有是事皆我 聖祖
仁皇帝德化覃敷威稜震疊故輅車所至莫不具驛傳
供芻糈涉越三四萬里如行闡闕故得以從容游覽見
所未見聞所未聞補旦古黃圖所未悉今土爾扈特已
全部內附而所記俄羅斯南路十四國乾隆乙亥以後
又已盡入版圖併以見 武烈 文謨顯承
啟佑所由拓億禩之 丕基者非偶然也 乾隆二十一年所部使吹札布等

入 覲稱奉其汗惇囉布喇什令假道俄羅斯三
載方至請赴唐古特謁達賴喇嘛 上遣官護往

二十二年自唐古特還並 頒賜惇囉布喇什幣

物補二十三年伊犁平有附牧伊犁之士爾扈特族台
吉舍稜等奔額濟勒河既而惇囉布喇什卒子渥巴錫

嗣為汗原三十六年渥巴錫率諸台吉及舍稜等挈全

部三萬餘戶內附原注俞氏正燮癸己類稿駐劄大臣

錫間綽羅斯特和碩特輝特皆亡可以竊據伊犁游牧

也即棄俄羅斯率眾南來六月至喀倫知伊犁規模已

定不能遂乃籍眾歸順曰俄羅斯不與黃教願依

於三十六年誘俄羅斯土爾扈特全部趨伊犁時俄羅

斯與圖理雅斯科兵爭圖理雅斯科以其先控噶爾汗

失地故背俄羅斯不朝貢俄羅斯征之屢戰屢捷而土

爾扈特逃俄羅斯收其地改建他藩不復問土爾扈特

所往土爾扈特至伊犁喀倫計蹙歸順補注七十一西

域間見錄鄂羅斯北鄰控噶爾與之構兵屢經大敗前

後徵兵於土爾扈特死者亦七八萬至是復徵兵於土

爾扈特人人危懼烏巴錫計無所出其新屬之額魯特

都爾伯特懷特霍碩特四種人原在伊犁之雅爾及哈

喇沙拉等處游牧其山川路徑皆所熟悉因以地之草

肥水甘土田廣闊可以占據立業唆使烏巴錫攜眾潛

逃烏巴錫為其所惑遂與台吉喇嘛等密議定策約定

北岸所居人戶於河冰凍結後一同逃赴伊犁時乾隆

三十五年天氣溫和十月中旬河水不凍烏巴錫不能

待河北人戶遂殺鄂羅斯匠役千人及貿易人等攜所

部之土爾扈特霍碩特懷特都爾伯特額魯特人眾四

十六萬餘戶於十月二十三日啟程沿途劫掠殘破鄂

羅斯城池四處察罕汗聞警使其濟納拉喇領兵數萬

追襲而烏巴錫人眾已逾坑格勒圖喇而南坑格勒圖

喇者鄂羅斯之卡倫也已入中國地界濟納拉喇乃引

兵還烏巴錫既入中國乃由巴爾噶什淖爾而進經過

戈壁五日雖有水泉寸草不生牲畜倒斃無算行至青

蒙古源流卷之四 土爾扈特

蒙古源流卷之四 土爾扈特

蒙古源流卷之四 土爾扈特

蒙古源流卷之四 土爾扈特

蒙古源流卷之四 土爾扈特

蒙古源流卷之四 土爾扈特

際三月天氣溫暖人皆取馬牛之血而飲瘟疫大作死者三十萬人牲畜十存三四經十餘日狼狽逃出而布魯特久候於戈壁之外日夜追殺搶奪直至他木哈地方與內地卡倫相近布魯特始斂兵退烏巴錫至他木哈猶有男婦大小人口二十七萬將運遣侍衛普濟保等前往問其來意烏巴錫與其台吉喇嘛計議六七日始定以投誠大皇帝為詞乃引烏巴錫謁見將軍因獻玉器自鳴時刻表宣審瓷器自來火鳥鎗拉古爾木碗金錢等物並獻伊祖所受明永樂八年漢篆勅封玉印一顆事聞奉旨差額駙色布騰巴爾珠爾等帶領烏巴錫及其台吉頭目赴熱河引而俞理初氏書其後云西人多謗土爾扈特者所聞真偽相半耳前見乾隆三十六年京報舒文襄等奏六月三日土爾扈特車伯克多爾濟入卡倫見將軍言土爾扈特各愛滿較俄羅斯所習經典俱異早有來歸聖主之意今者烏布沙決意南來由伊啟之越數日烏布沙至以道遠又值春暖馬匹損傷至哈薩克時阿布資領兵相持前路又與阿拉里努拉立打仗部眾散失今自奎屯聚眾前來其道路所歷與見聞錄所敘略

同來歸之由實由舍楞唆搶伊犁既至而知其不可逞也舍歸順更無他法其人向眾又當計無復之舍撫之家歸心中國但中國無誘降俄羅斯所屬人之理故久置之烏巴錫來歸以不與俄羅斯同教為辭合於阿玉奇言是有默啟之者獨恨烏巴錫不能知其先人感戴中國之忱其始念差耳然非以搶伊犁之故其部眾必憚於遠徙俄羅斯亦不甘於置之不問我高宗覆載同量然以俄羅斯界碑舊約亦不能直受之而無疑也是知其中有天焉聖人不探人之至隱而無子其事之順也此天之所以為天也方今中外一家均無歧視而土爾扈特獨蒙惡聲故詳檢官私著述為訂證蓋自國初綏服蒙古以來至是乃盡族而臣之

詔以新舊別稱各設札薩克異牧而處補曰烏訥

恩蘇珠克圖盟補注今作烏訥舊土爾扈特部以汗渥

巴錫領之仍分賜牧地為東西南北四路皆和鄂爾勒

克裔渥巴錫所屬舊部也曰青色特啟勒圖盟新土爾

扈特部以郡王舍稜領之別授貝子一皆衛察察布察

齊裔從舍稜往而復歸者也其和碩特貝勒恭格等則

自為一盟附於南路云高宗純皇帝御製土爾

扈特全部歸順記曰始逆命而

終徠服謂之歸降弗加征而自臣屬謂之歸順若今之

土爾扈特攜全部舍異域投誠嚮化跋涉萬里而來是

歸順非歸降也西域既定興屯種於伊犁薄賦斂於回

部若哈薩克若布魯特俾為外圍而羈縻之若安集延

若巴達克山益稱遠徼而概置之知足不辱知止不殆

朕意亦如是矣豈其盡天所覆至於海隅必欲悉主悉

臣為我僕屬哉而茲土爾扈特之歸順則實天與人歸

有不期然而然者故不可以不記土爾扈特者準噶爾

四衛拉特之一其詳已見於準噶爾全部紀略之文湖

厥始率亦荒略弗可考後因其汗阿玉奇與策妄阿勒

布坦不睦竄歸俄羅斯俄羅斯居之額濟勒之地康熙

年間我皇祖聖祖仁皇帝嘗欲悉其領要令侍

讀圖理琛等假道俄羅斯以往而俄羅斯故為紆繞其

程凡行三年又數月始反命今之汗渥巴錫者即阿玉

奇之曾孫也以俄羅斯征調不息師旅近且徵其子入

質而俄羅斯又屬別教非黃教故與合族台吉密謀挈

全部投中國興黃教之地以息肩焉自去歲十一月啟

行由額濟勒歷哈薩克繞巴勒喀什諾爾戈壁於今歲

六月杪始至伊犁之沙拉伯勒界凡八月歷萬有餘里

先是朕聞有土爾扈特來歸之信慮伊犁將軍伊勒圖

一人不能經理得宜時舒赫德以參贊居烏什辦回部

事因命就近前往而畏事者乃以新來中有舍稜其人

會以計誘害我副都統唐喀祿因以竄投俄羅斯者恐

其有詭計議論沸起古云受降如受敵朕亦不能不為

之少惑而畧為備焉然熟計舍稜一人豈能聳動渥巴

錫等全部且俄羅斯亦大國也彼既背棄而來又擾我

大國邊界進退無據彼將焉往是則歸順之事十之九

詭計之伏十之一耳既而果然而舒赫德至伊犁一切

安汛設偵籌儲密備之事無不悉妥故新投之人一至

如歸且掄其應觀者由驛而來朕即命隨圍觀獵且於

山莊燕賚如杜爾伯特車稜等之例焉夫此山莊乃我

皇祖所建以柔遠人之地而宴賚車稜等之後

蒙古源流卷十四 總敘 六

土爾扈特

遂平定西域茲不數年間又無意中不因招致而有土爾扈特歸順之事自斯凡屬蒙古之族無不為我大清國之臣

閱後成愜

神御咫尺

志而愉快者乎

予小子所以

仰答

祖恩益凜

天寵惴惴焉孜孜焉惟

恐意或滿而力或弛念茲在茲遑敢自詡為誠所感與德所致哉或又以為不宜受俄羅斯叛臣虞起邊衅蓋舍稜即我之叛臣歸俄羅斯者何嘗不一再索取而俄羅斯訖未與我也今既來歸即以此語折俄羅斯彼亦將無辭以對且數萬乏食之人既至近界驅之使去彼不劫掠畜牧將何以生雖有堅壁清野之說不知伊犁甫築新城而諸色人皆賴耕牧為活是壁亦不易堅而野亦不可清也夫明知人以嚮化而來而我以畏事而止且反致寇甚無謂也其眾涉遠歷久力甚疲矣視其之死而惜費弗救仁人君子所不忍為况體天御世之大君乎發帑出畜力為優恤則已命司事之臣茲不贅記記事之緣起如右又御製優恤土爾扈特部眾記曰歸降歸順之不同既明則歸順歸降之甲乙可定蓋戰而勝人不如不戰而勝人之為盡善也然則歸順者較歸降者歸不如順而來歸之為盡善也然則歸順者較歸降者

之宜優恤不亦宜乎土爾扈特歸順源委已見前記茲記所以優恤之者方其渡額濟勒而來歸也戶凡三萬三千有奇口十六萬九千有奇其至伊犁者僅以半計夫以遠人嚮化攜孥屬而來其意甚誠而其陷危求息狀亦甚憊既撫而納之苟弗為之贍其生猶弗納也贍之而弗為之計長久猶弗贍也故自聞其來及其始至以迨于今惟此七萬餘眾凍餒庭瘠之形時懸於目而惻於心凡宵旰所究圖郵函所諮訪無暇無輟乃得悉其大要於是為之口給以食人授之衣分地安居使就米穀而資耕牧則以屬之伊犁將軍舒赫德出我牧羣之孳息驅住供饋則以屬之陝甘總督吳達善而嘉峪關外茶市羊及裘則以屬之陝甘總督吳達善而嘉峪關外董視經理則以屬之西安巡撫文綬惟時諸臣以次馳牘入告於伊犁塔爾巴哈台之察哈爾額魯特凡市得馬牛羊九萬五千五百其自達哩剛愛商都達布遜牧羣運往者又十有四萬而哈密關展所市之三萬不與焉撥官茶二萬餘封出屯庚米麥四萬一千餘石而初至伊犁賑贍之茶米不與焉甘肅邊內外暨回部諸城購羊裘五萬一千餘襲布六萬一千餘疋棉五萬九千餘斤羶廬四百餘具而給庫貯之羶棉衣什布幅不與

焉計費儲用帑銀二十萬兩而賞貨路貴及宴次資子
不與焉其台吉渥巴錫等之入覲者乘傳給餼而來至
則錫封爵備恩禮其往也復慮其身之生不宜內地氣
侯則命由邊外各台歷巴里坤而行而迎及送並遣大
臣侍衛等護視之用以柔懷遠人俾毋致失所有以爲
優恤太甚者蓋意出於鄙吝未習聞國家
毋惑乎其見之隘也昔我
喀爾喀土謝圖汗等爲厄魯特所殘破率全部十萬衆
來歸喀爾喀土謝圖汗等爲厄魯特所殘破率全部十萬衆
往撫之發歸化城張家獨石口倉儲以賑其乏且足其
食又採買生畜以資其生遂皆安居得所循法度樂
休養迄今八十餘年畜牧日以蕃生殖日以盛樂樂
利殷阜十倍於初其汗王台吉等世延爵祿恪守藩衛
一如內札薩克之效臣僕長子孫莫不感戴
祖德澤及人之深得以長享昇平之福也惟朕體
扈特之來其窮阨殆無異曩時之喀爾喀故所以爲之
籌畫無弗詳賙惠無少靳優而恤之且計長久庸詎知
謀之勞而費之鉅乎冀茲土爾扈特之衆亦能如喀爾

喀之安居循法勤畜牧務生殖勿替厥志則其世延
祿長享昇平之福又何以異於今之喀爾喀哉用是臚
舉款凡勒石熱河及伊犁俾土爾扈特汗全部眾咸識
朕之德以昭自今以往我諸臣之董其事者松筠綏服
紀略三土爾扈特本係準噶爾四衛喇特之一與都爾
伯特無異雖遠居俄羅斯地曾遣使朝貢輸誠既聞
天兵平定伊犁振興黃教復憶都爾伯特歸順久享
先年因與準噶爾不睦遂入俄羅斯居額濟勒游牧傳
數世至阿玉奇汗伊子察克篤爾札布孫敦魯布喇什
會孫乃渥巴錫也渥巴錫於乾隆三十五年明背俄羅
斯攜全部由哈薩克戈壁巴勒噶什淖爾一帶行入閩
月至伊犁敬陳投順之意時伊犁將軍舒赫德奉
命收撫安戢賑其窮乏授以牧地渥巴錫等傾心感
激即於三十六年入覲天顏錫封渥巴錫爲汗
餘封親王郡王貝勒貝子公札薩克台吉有差
聖慮深遠一指示於伊犁東之精河游牧住貝勒一
庫爾喀喇烏蘇游牧住郡王一喀喇沙爾游牧住汗渥
巴錫及貝勒貝子各一近塔爾巴哈台之和博克薩哩
游牧住親王一札薩克台吉一近科布多之阿勒台游

牧住郡王一貝子一其食俸輪班
入觀一如都爾伯特之制

珠勒都斯舊土爾扈特蒙古烏訥恩素珠克圖盟南

路游牧所在標題秋濤依例補注秋濤謹按齋爾

地在天山北珠勒都斯地在天山南渥

巴錫初賜齋爾牧後遷珠勒都斯然欽天監所刻

時憲書仍稱齋爾土爾扈特考徐松新疆賦注云

乾隆二十五年以回部各城節氣載入時憲書三

十八年編土爾扈特和碩特入時憲書而渥巴錫

之移牧則在三十八年四月以後蓋欽天監編纂

係在未移牧之前故仍稱齋爾也附記於此以備

原南路舊土爾扈特部補在喀喇沙爾城北

補注喀喇沙爾距京師

八千九百五十里原注西域釋地喀喇沙爾漢焉耆國

唐置焉耆都督府於此後改碎葉鎮宋為西州回鶻本

名喀喇沙爾後定今名喀喇言黑沙爾城也補注新疆

識略喀喇沙爾城東北至吐魯番城一千零二十里西

南至庫車一千一百六十三里南至沙山二百里北至

砂札蓋圖卡倫一百四十里西北至那喇特達巴罕四

百八十里裁減察罕通格曲惠二臺三十五年添設阿哈

爾布拉克臺五十二年裁托克遜布幹二臺改歸吐魯

番管轄褚廷璋西域詩喀喇沙爾風雨猶疑鐵騎屯至

今沙磧有遺痕焉磨蒲海射龍庭遠都護城懸烏壘尊弓

掛輪臺飛皎月劍磨蒲海射龍庭遠都護城懸烏壘尊弓

水遺經費討論自注西境為漢烏壘城都護居此於西

域為中又西有地名玉古爾漢輪臺城南有羅卜淖爾

為古蒲昌海曹麟開新疆紀事詩喀喇沙爾積路當年

闕復迷幾多折戟沒沙泥鐵門險振焉耆北烏壘威宣

突騎西捷水一支吞海闊回峰四面抱城低祇今西域

徵遺傳笑說豐碑勒白氏自注唐時焉耆王遣使來朝

當天山之南

補注天山一名祁連一名雪山一名白喀

又曰折羅漫山其山遠自葱嶺分支自喀

史那社爾擒其王那支以其地為都督府勒石紀功原

城又唐貞觀中郭孝恪執其王突騎支又唐阿

許之高昌亂攻陷五城詔侯君集討平高昌歸所俘及

原

什噶爾之北池東而行經烏什阿克蘇庫車喀喇沙爾
闡展之北又東行入鎮西府界至塔勒納沁而止皆曰
天山東西縣互三千餘里層峰秀嶂隨地異名蓋以百
數三州轄略曰天山自葉爾羌西南蜿蜒而來曰葱嶺
至闕勒玉山分脈其東南一支遶和闐而東行其西北
一支遶英吉沙爾喀什噶爾之西又北行達布魯特境
東行遶烏什之北又逕阿克蘇之北又逕庫車喀喇沙
爾吐魯番之北縣亘七八千里而至哈密東北百餘里
為北天山又百餘里截然而止則在巴里坤之東名鹽
池山伏入地中矣此山為南路回疆西路伊犁之分界
山陽為自哈密至葉爾羌南路山北則由巴里坤至伊
犁北路也鹽池山之南沙磧漫野即希爾哈戈壁所謂
千里瀚海也其山伏地千餘里至嘉峪關外沙州之東
突兀起頂東行名祁連山所謂南天山也再東行至洞
素達巴罕過脈東北行至巴圖爾達巴罕北分一支至
入寶山形如蓮華尊成嶽體乃西甯涼州甘肅州四
郡之鎮山也又自鎮素達巴罕東行至野馬川之東景
陽嶺自南而北東分一支結涼州諸山西北分一支結
罕鄂博過脈西行至祁連山巴罕過脈向北分一支結
甘州諸山王芭孫西陲收唱日二萬與圖指掌通大荒

直北是西濛冰天火地皆堯曠一髮祁連界畫中
羣山莽莽走中原岡底斯蹲氣脈尊青海南趨葱嶺北
太行王屋總兒孫自注天山以北準噶爾部居之俗強
悍逐水草無城郭天山以南回部居之風氣柔弱有城
郭習耕種天山即祁連山宇宙間山無大於此者漢書
匈奴謂天為祁連今準語猶然也洪亮吉天山贊曰自
涼州以西抵伊犁凡七千餘里地勢極高天山贊曰自
橫亘南北界畫中外戴雪萬仞排雲百重半嶺以上靈
禽不飛百步之外晴霰尚炫者皆為天山亦名雪山北
人所呼為祁連山也夫天者特積氣耳今祁連諸峰尚
有出積氣之上者又况外則積鹵中藏秀靈松栢芝菌
延年養生之菜無一不備寒暄晝夜風雨晴晦之節與
外適殊懸溜飛瀑高逾石門雲液石乳百倍天目而世
人不之知逸客不之訪者豈非以徑路絕遠逾流沙瀚
海火山風穴之險始足以盡其奇耶且漢世雖嘗通西
北國矣然票騎泥野挺劍持戟既無意於搜奇博望定
遠鑿空進執亦不期於攬勝是則天地之奇山川之秀
甯不待千百載後懷奇負異之士或因行役而過或以
遷謫而至者一發其底蘊乎夫太華太室僅中土之奧
區南條北條又此山之支絡爰為之贊曰積高惟天誰

能企焉。抗不相讓。實惟祁連山。首沐塔里。足掛居延。萬古積雪。無人及巔。其標挺外。其秀貯腹。萬松撐拄。高出若木。我登支峰。意欲濯足。珠勒都斯。原注西域釋地。珠勒都斯。北珠勒都斯之地。北連雪山。回環千餘里。水草豐茂。為土爾扈特和碩特游牧補注。秋濤按和甯回疆通志。康熙五十五年。散秩大臣祁里德奏。俟來年由巴里坤。剿吐魯番。乘勢取珠勒都斯地。諭軍所大臣定議。按當時將軍富甯安奏請於哈密附近等處可耕地。募兵與屯。於是祁公有此議。以珠勒都斯地肥饒故也。至乾隆中。始移駐蒙古於此。又按要略云。乾隆二十年。和碩特台吉羅卜藏車稜子。曰諾爾布敦多克。游牧額珠哈畢爾噶。遣長子鄂齊爾。馳降。定西將軍薩拉爾。集其族。台吉三濟特。間之。獻籍三百戶。我將軍薩拉爾。集伊犁。宰桑等。定議約諾爾布敦多克。及沙克都爾曼。濟子圖。捫以兵至博羅塔拉。布爾哈蘇台。闖勒奇。嶺。剿阿逆。諾爾布敦多克。圖捫。各遣使至巴里坤。諾爾布敦多克表曰。臣願奮志剿賊。上嘉其誠。諾爾布敦多克。公爾。二十一年三月。諾爾布敦多克。來歸。薩拉爾等。既定謀。阿逆偵知之。先為備。諾爾布敦多克。以兵擊諸伊

犁之諾爾斯哈濟拜牲。不勝。借薩拉爾間道行。由珠勒都斯至巴里坤。時沙克都爾曼。抵策楞軍。詔

令遺書其子圖捫。以兵護牧。書未達。明噶特附阿逆。叛脅所部眾。圖捫不之從。挾戚屬抵珠勒都斯。請內徙。詔封多羅貝勒。賜銀千兩。賞三眼。

孔雀翎。諭由額琳哈畢爾噶。往會沙克都爾曼。濟。七月。沙克都爾曼。攜子圖捫。及博爾和津等。由珠勒都斯至巴里坤。乞屯牧近地。二十三年三月。成袞札

布為定邊將軍。偕參贊大臣舒赫德。由珠勒都斯進。按地勢言之。額琳哈畢爾噶。在伊犁東北。珠勒都斯。則在伊犁東南。阿逆以伊犁叛。時大軍在巴里坤。諾爾布敦

多克。及圖捫。由間道達巴里坤。皆出珠勒都斯。則珠勒都斯為天山南北路相通要隘。明矣。及南路進兵。亦必

由此。漢時烏孫為西域強國。唐置鷹娑都督府。為重鎮。有以哉。無名氏新疆紀略。哈喇沙拉城中。回人及

土爾扈特人。襍處。初係回城。土字寬廣。著勒土斯山。場回環千里。草肥水甘。多野牲。足資游牧。河水暢流。足資

灌溉。故人戶繁盛。果木黍稷。夙稱富庶。準噶爾恃強。據為牧場。人多逃亡。及官兵定伊犁。以其地要害。設辦事

大臣一員。駐劄。後土爾扈特來歸。遂將其汗烏巴錫部

落和碩特貝勒恭格部落安插於著勒土斯資其游牧
教之耕種京差侍衛三員管理其人開都河南北兩岸
及著勒土斯牧場種帳雲屯皆伊等所居也數年來漸
知稼穡然其人貧而惰性喜盜掠商民回戶頗受其害
婦女鍼黹則遠勝回戶極貧之男婦子女多鬻於各城
回人為奴而盜馬竊衣遁竄不知所往者復踵相接也
補注福慶異域竹枝詞注云哈拉沙拉在土魯番西八
百七十里原係回城準噶爾吞併回人逃亡死絕其地
竟無人煙移霍碩特人來此游牧乾隆二十年大兵
平定伊犁霍碩特多遭誅戮其餘逃散地竟空虛創建
一城東西南三門圍僅三里乾隆三十五年後土爾扈
特來歸安插於著勒土斯令其資生並將噶子滿回子
二百戶移歸庫爾勒回城所有哈喇沙拉城垣左近一
帶地方均給土爾扈特和碩特等游牧且教之耕種回
疆通志云著勒土斯山西陲紀略作準圖斯在喀喇沙
爾城北一帶乾隆三十六年安置土爾扈特霍碩特兩
部落所屬人萬餘戶任牧於此春三月入山居住秋九
月出山在喀喇沙爾附近草地支架蒙古包居住又云
阿克蘇辦事大臣每年接到喀喇沙爾土爾扈特霍碩
特入山咨文派官兵坐卡倫九月出山撤回卡倫咨報

各補至 京師八千六百餘里古西戎地漢及魏晉為

烏孫國地 **補注**秋濤按晉書焉耆國北與烏孫接焉耆

地北魏為高車國地周為突厥地隋為西突厥地唐為

鷹娑都督府地 **補注**唐書突厥傳永徽五年前軍蘇定

已滅以鼠尼施處半部為鷹娑都督府地理志鷹娑都

督府以鼠尼施處半部置隸北庭都護回鶻傳契苾亦

日契苾羽在焉耆西北鷹娑川多覽葛之南秋濤按鷹

娑都督府以鷹娑川得名唐以處半部為鷹娑都督府

而契苾在鷹娑川地屬接壤以焉耆西北 **宋屬西州**

地勢準之則珠勒都斯河即古鷹娑川矣 **宋屬西州**

回鶻明為回部所據乾隆二十三年回部平地屬喀喇

沙爾大臣轄三十六年 賜南路舊土爾扈特及

中路和碩特為牧地原四旗曰南路汗旗札薩克卓哩

克圖汗游牧渥巴錫者阿玉奇會孫也乾隆三十六年

挈所部內附昆弟子姓從之入 覲 詔仍

稱汗洩其眾 賜號卓哩克圖授札薩克三十七

年 賜牧齋爾 補注秋溝按齋爾北極高四十五

度塔爾巴哈台西南境也漢為匈奴右地郵支單于居

此魏為烏孫國地元魏為高車地周隋為突厥地唐為

三葛邏祿部地自迪化州北行三百里至哲克得里克

折西行踰哈畢爾噶布拉克托來布拉克至納木納木

西四十里至穆呼勒戴鄂多特又西二十里至達爾達

木圖又西二十里至蘇海圖又西南二十里至謨多圖

布古圖又西南至尼楚滾布古圖又西四十里至伊奇

爾又西四十里至布爾噶蘇台又西三十里至察拉垓

又西四十里至綽爾折而東北五十里踰山即至齋爾

東北距額敏三百里地廣饒水草舊為準噶爾阿克巴

爾極布里木甸杜爾巴甸推素隆甸伊克呼拉爾五集

齊爾等處等伊黎將軍伊勒圖等會同酌議具奏三十

七年遂以齋爾 補三十八年徙牧珠勒都斯 補注

渥巴錫懇請移居珠勒都斯伊勒圖奏言現有努魯布

稟告渥巴錫所屬四宰桑欲行脫逃之事如遷移牧恐

其所屬不無疑懼請俟二三年後再為酌辦是年四月

伊等生計甚有裨益從前伊勒圖並未面詢渥巴錫僅

按一時情形不便遷移而後今覽舒赫德所奏實可為

久遠計俟本年秋收後即將渥巴錫之游牧移於珠勒

都斯居住所需口糧籽種等項即於哈密關展所貯銀

兩內動撥採買烏什等處回人所種之穀運至喀喇沙

爾以備分給渥巴錫所屬人眾種地農器就近於關展

哈密等處運往自是渥巴錫之牧地乃定是時渥巴錫

所屬有索羅木者復控宰桑巴勒黨等謀奔俄羅斯六

達什策凌等以其地內屬三十六年六月渥巴錫等來

歸與伊犁之沙喇伯勒等處附近西邊易於逃竄烏魯

指與伊犁一帶又距哈密巴里坤卡路甚近朕意令居住塔

木齊一帶又距哈密巴里坤卡路甚近朕意令居住塔

月。往俄羅斯。今索羅木係巴勒黨所擒之人。俄羅斯地方
及此處並無伊子弟親戚。伊又告巴勒黨等現商議欲
逃。尚屬事之所有。然巴勒黨現隨渥巴錫居住。不過係
一幸。桑伊如逃往俄羅斯。則俄羅斯必另行優待。速提
集。努魯布沙爾瑪克交軍機大臣審訊。惟是渥巴錫所
屬人眾。屢經審訊。不免疑懼。伊勒圖於辦理此事時。即
曉諭渥巴錫云。節次辦理。原是為汝。巴勒黨係汝辦事
之大宰。桑伊倡率欲逃。如不審辦。將來汝所屬人眾。俱
行脫逃。汝屬下無遣差辦事之人。即有亦難約束。是以
如是辦理。原欲汝屬人各知法紀。庶汝得久享。原三十
天朝恩養。如此曉諭。則伊等疑慮皆可解釋。原三十
九年。三。原。初。土爾扈特內附。渥巴錫獻七寶刀。及金
界。鄰。俄。羅。斯。在。哈。薩。克。西。北。自。昔。未。通。中。國。故。不。隸。職
方。產。精。鐵。及。良。馬。阿。玉。奇。游。牧。額。濟。勒。河。嘗。往。來。洪。豁
爾。因。得。其。刀。以。為。佩。令。子。孫。世。守。之。渥。巴。錫。獻。刀。且。告
世。為。天。朝。臣。僕。繼。自。今。無。甲。兵。患。也。及。賜
牧。齋。爾。遣。三。等。侍。衛。阿。思。哈。往。護。視。三。十。九。年。阿。思。哈
受。代。還。渥。巴。錫。復。函。匙。叉。及。七。首。各。一。乞。阿。思。哈。齋。貢

獻物各 上嘉其誠後先所 子策琳納木札勒襲四十年

定齋爾牧為舊土爾扈特部南路以策琳納木札勒領
之授盟長 賜札薩克及盟長印四十八年

詔世襲罔替 原注佐領五十案續修蒙古王公傳有

異母弟也策琳納木札勒既襲汗爵策琳納木札勒之
帝命於所轄五十牛彙內分十五牛彙與阿拉布坦多
爾濟令隨其母喀屯同居阿拉布坦多爾濟卒以其子
那木札勒多爾濟為一等台吉時甫五歲嘉慶五年喀
屯詣伊犁將軍松筠言那木札勒多爾濟年已十六歲
求給札薩克印以資統轄松筠奏那木札勒多爾濟尚
幼無勞績請給印而不子俸俟成人時奏 聞請
旨 補注策琳納木札勒襲爵時年
甫八歲五十七年卒子霍紹齊襲爵嘉慶四年三月喀
喇沙爾大臣阿爾塔什第奏霍紹齊之祖母喀屯聞
兩送京交喇嘛等念經等語 諭曰此事斷不可

行阿爾塔什第彼時並不阻止且又具摺奏請糊塗太
不曉事除申飭外霍紹齊並伊祖母誠悃實不可泯著
阿爾塔什第曉諭已將爾等誠意奏聞大皇帝奉旨從
前爾等仰蒙 太上皇帝恩施備至今若准爾所
請遠道運送銀兩念經轉恐不能仰體 太上皇
帝愛育爾等至意此事斷不可行朕見爾等誠悃可嘉
深為惻然想 太上皇 中旗札薩克巴雅爾圖多
帝在天之靈亦必垂鑒也

羅貝勒游牧汗渥巴錫從子額墨根烏巴什父唐阿特
祖巴圖惇羅布喇什弟也乾隆三十六年封固山貝子

年授副盟長轄南路中翼旗務 賜札薩克印補
賜號巴雅爾圖授札薩克尋卒子恭坦襲四十

四十八年 詔世襲罔替嘉慶十六年原卒子巴
勒丹拉什襲卒子蒙庫那遜襲道光十年晉多羅貝勒

世襲罔替原任領一佐右旗札薩克輔國公游牧汗渥巴錫

從子拜濟瑚父喀木齊克唐阿特弟也乾隆三十六年
封今爵三十七年 詔轄南路右翼旗務

賜札薩克印四十八年 詔世襲罔替原任領一佐左
旗札薩克一等台吉游牧汗渥巴錫從弟伯爾哈什哈

父多爾濟喇什巴圖弟也乾隆三十六年授今爵四十
年 詔轄南路左翼旗務 賜札薩克印四

十八年 詔世襲罔替原任領一佐與中路和碩特三
旗同游牧有珠勒都斯河繞游牧境原任珠勒都斯舊

裕勒都斯 欽定新疆識略開都河凡三源一源
曰小珠勒都斯河西北流經楚爾嶺會英布拉圖水又
蒙古游牧言十四 珠勒都斯

西會巴哈布圖水又西會克穆訥克圖水又西會蘇台水又西會固爾
班克勒特水又西會克穆訥克圖水又西會蘇台水又西會固爾
南流至哈爾噶圖與大珠勒都斯河合一源曰大珠勒
都斯河東流會特里木哈達水又東會布連布拉克水
凡一百里至哈爾噶圖而與小珠勒都斯河合二水既
合復分為二支皆東流南支行三百餘里有綽羅特水
嶺水自南來注之北支亦行三百餘里有烏爾圖布拉克
水薩必爾圖布拉克水亦行三百餘里有烏爾圖布拉克
瑪圖哈布齊爾水烏爾圖布拉克水亦行三百餘里有烏爾圖布拉克
注之二水復合而東有恭哈布齊爾水亦行三百餘里有烏爾圖布拉克
達嶺水自北來注之復東為開都河又東南流左會薩薩克
水復南分二支入開都河又東南流左會薩薩克
城西南五里東流為博斯騰淖爾在烏沙克塔爾臺南
漢書西域傳焉耆近海多魚鳥魏書西域傳焉耆國南
去海十餘里焉耆為今喀喇沙爾所謂海者即博斯騰
淖爾也開都河既入淖爾復自淖爾所謂海者即博斯騰
淖爾阿滿山口經哈爾噶圖回莊北又西南流七十里過哈
十里折而西過庫爾勒回莊北又西南流七十里過哈

喇布拉克臺折而南流二百里入大河水經注云焉耆
之水自西海逕尉犁國又西出沙山鐵關谷又西南流
逕連城別注裂以爲田其水又屈而南逕渠犁國西
東南流逕渠犁國治又南流注於河自西海逕尉犁國
者即自博斯騰淖爾溢而出而流也沙山鐵關谷者當
哈爾噶圖阿滿山今猶導渠以資灌溉焉西水道餘
勒其地皆良田今猶導渠以資灌溉焉西水道餘
哈喇沙爾西境直庫車城北之汗騰格即大山東百餘
里回語裕勒都斯星也源處發源如星極四十二度四
十五分西三十四度三十分其地土爾扈特卓哩克圖
汗所牧也小裕勒都斯出自阿勒坦陰克遜之北源處
極四十三度十分西三十一度十分使臣至準噶爾行
自察罕鄂博圖住小裕勒都斯九十里途地平坦水草
皆好自小裕勒都斯任大裕勒都斯八十里路平水草
佳兩裕勒都斯冬夏借宜惟春季猶雪飛霏無時遇風
卽結成糝自此路分兩歧取其捷者自大裕勒都斯六
十里住鄂博庫爾山口又五里過鄂博庫爾嶺若取
其坦者自大裕勒都斯向西南行過烏納罕達罕嶺

空格斯 東踰天山至博爾圖嶺 原注接烏魯木齊界烏

喀喇沙爾東北境其山與阿勒泰山南北相接形如鎖

鑰西通準部南界回疆天山南路一大關隘也山多積

雪博羅圖河發源北麓八北谷口西行通裕勒都斯出

西南谷口西南行即喀喇沙爾境乾隆二十六年

遣官告祭博羅圖山文曰惟神體結坤輿靈昭兌位

連峯峻峙拔萬仞以倚天積雪高攢歷四時而浮玉作

花門之巨鎮永奠西遐界葱嶺以中維遙通南道朕統

臨縣寓式廓輿圖異域歸仁列障暨于闐之外殊方在

宥興屯踰烏壘而遙乃諸部之往來仰崇山之繇互雖

幽遐不閉久已荷乎天休而梯棧無虞實更資乎神應

用申秩祀練時日以薦馨敬遣專官肇度縣而展告自

此途開九折共遵王路之蕩平亦惟寒斂六花長被春

風之和煦不彰肝鬲來鑒苾芬又 欽頒歲春秋

祭祝文曰惟神鍾靈遐域正宅西陲險關蠶叢導我武

維揚之路高踰龍阜界殊方內屬之區作巨鎮於回中

峯層嶂疊通輿區於域外棧接梯連實為名山允宜嘉

秩朕人荒在闕六合為家既者定乎準夷遂全收乎回

部興屯更成宜安枕席以過師駐牧游羣當順涼暄而

應候惟神庥之是賴仰靈貺之攸昭爰仰圭幣之儀登

諸祀典更肅春秋之祭載在秩宗並協柔懷宜彰肝鬲

長此冰銷寒玉調燭被于光天行當雪浹春膏湛恩漸

于絕徼苾芬式 南至扣克納克嶺 原注接庫車界庫車

薦歆格斯承 南至扣克納克嶺 漢龜茲國唐置安西

都護府於此庫車猶衝其地為達西南要路故名至

東南阻沮洳西北踰天山通伊犁 補注秋濤按扣克納

克嶺亦名庫克納克達巴在愛呼木什嶺西五十里額

什克巴什河發源南麓山脈自天山正幹 西至天山 原

之額什克巴什山分支東行六十里至此 西至天山 原

踰天山接伊犁所屬察哈爾游牧界察哈爾為元部眾

明史所謂插酋是也天聰時林丹汗暴虐 爾為元部眾

文皇帝興師伐之林丹汗走死乃封其子額哲於義州

邊外康熙十四年復叛削平之收其眾令游牧宣化大

同邊外編為八旗統歸察哈爾都統治之 高宗

純皇帝平定新疆移察哈爾人戶游牧伊犁塔爾巴哈

台伊犁察哈爾八旗牧地在伊犁東北境一帶設喀

倫踰喀倫即哈薩克界屬伊犁將軍轄塔爾巴哈台察

哈爾與額魯特哈薩克各佐領同游牧牧地東與霍博
克薩里土爾扈特接界西北踰喀倫皆與哈薩克接界
屬參贊北至喀倫原注接伊犁所屬額魯特界按乾隆
大臣轄北至喀倫年間建設防時分移達什達瓦衆
於伊犁是為額魯特上三旗又有自哈薩克布魯特中
投回伊犁者是為額魯特下五旗又土爾扈特投誠時
自額魯特亦附入下五旗同游牧伊犁南境南倚天山東
西南皆設喀倫東接精土爾扈特游牧界西接布魯特
界南踰喀倫即天山接珠勒都斯界轄於伊犁將軍
新疆識畧喀喇沙爾土爾扈特游牧東至烏沙克塔
爾西至天珠勒都斯南至紫泥泉北至阿爾輝山所
部四旗同牧自為一盟曰烏訥恩素珠克圖盟南路隸
喀喇沙爾大臣兼轄歸伊犁將軍節制

珠勒都斯中路和碩特蒙古巴啟色特啟勒圖盟游

牧所在標題秋濤
依例補

原中路和碩特部附南路土爾扈特部同游牧珠勒都斯

至京師八千六百餘里和碩部舊為四衛拉特之一

牧青海伊犁諸境及顧實汗裔繁衍或稱青海額魯特

或稱阿拉善額魯特皆不著和碩舊號稱和碩特者皆

顧實汗兄子多爾濟及額爾克岱青鄂克綽特布裔也

未詳自何時徙牧俄羅斯境補注藩部要略和碩特貝

拉瑚皆都爾格齊諾顏第三子多爾濟之裔貝子布顏

楚克者雅蘭丕勒子也為都爾格齊諾顏第四子額爾

克岱青鄂克補注乾隆三十六年多爾濟元孫恭格補注蒙

綽特布之裔乾隆三十六年多爾濟元孫恭格補注蒙
表顧實汗之兄曰昆都倫烏巴什其第三子曰多爾濟
生托羅什瑚托羅什瑚生楚貴楚貴生圖克齊圖克齊
生恭從土爾扈特汗渥巴錫挈族來歸 詔和碩

特部人自恭格以下並授貝勒貝子台吉諸爵號是時

巴錫率土爾扈特數十萬眾歸順優錫封爵分新舊二部渥巴錫稱汗如故諸台吉授親王郡王貝勒貝子公一等台吉各有差和碩特部人惟不封王爵仍並授貝勒貝子諸爵以寵異之於是

封恭格為多羅貝勒 賜土謝圖號三十七年

賜收珠勒都斯設札薩克四三十八年恭格卒

子德勒克烏巴什襲授盟長轄所部眾四十八年

詔世襲罔替五十六年德勒克烏巴什卒弟騰特克

襲嘉慶二年卒以絕嗣停襲補注是年七月伊犁將軍保甯奏騰特克絕嗣所襲

貝勒爵將近支之齊業齊烏爾圖納遜二人擬派懇請補放諭曰所奏殊覺含混騰特克屬下共有六佐領若將貝勒爵令人承襲自應併將佐領移令管理現在騰特克雖故寡妻尚在養贍無資日後必至興訟

况齊業齊烏爾圖納遜每人名下俱有本管一佐領若令一人承襲再增六佐領不惟恐伊等不能管轄且伊等輩分亦與根敦諾爾布恭格不甚近鄂齊爾現為盟長又係貝子伊所屬佐領較少亦不平允著保甯問明騰特克之妻齊業齊烏爾圖納遜二人中願隨何人度日即留與一二佐領俾資養贍餘年所留之佐領即令伊願資養贍之人暫行管理其餘佐領令鄂齊爾及齊業齊烏爾圖納遜均分管理日後方免相爭之弊此停襲之原今所部餘札薩克三日中路中旗札薩克固山

阿穆爾哈貴貝子游牧恭格族叔父原注藩部表作族祖誤雅蘭

丕勒額爾克岱青鄂克綽特布曾孫也補注昆都倫巴特什第四子曰

額爾克岱青鄂克綽特布其子曰察罕察罕生三濟拉什即雅蘭丕勒之父也乾隆三十六年

來歸封今爵 賜阿穆爾哈貴號授札薩克尋雅

蘭丕勒請捐妻孥為喇嘛從章嘉呼圖克圖游

詔授札薩克喇嘛子布顏楚克襲爵四十年授盟長轄

中路旗務 賜札薩克印四十八年 詔世

襲罔替原注佐中路右旗札薩克一等台吉游牧恭格

族弟諾海補注其父曰恭克班爾珠乾隆三十六年來

歸授今爵轄右翼旗務 賜札薩克印四十八年

詔世襲罔替原注佐中路左旗札薩克一等台

吉游牧恭格族弟巴雅爾拉瑚補注其父曰色爾博特

多克 乾隆三十六年來歸授一等台吉尋卒子齊業齊

襲四十年授札薩克轄左翼旗務 賜印四十八

年 詔世襲罔替原注佐補牧地在南路舊土爾

扈特部之西補注秋濤按藩部要略云乾隆三十七年

都斯至三十八年渥巴錫等亦移牧珠勒都斯是二部

土壤雖近究非一地觀新疆識略所載喀喇沙爾南路

舊土爾扈特與喀喇沙爾和碩特牧地各有四至則所

云二部同一游牧者特舉其大概而尚未分析言之也

考會典圖說云土爾扈特四旗在喀喇沙爾城北其西

為中路和碩特三旗區別甚明今從之圖說又云中路

和碩特三旗北依天山南與東西皆臨珠勒都斯河其

言四至不及新疆識 東至烏沙克塔爾補注秋濤按烏

畧之詳今從識畧 烏沙克塔爾在哈喇沙爾城東二百五里自闡展西

行入蘇巴什塔克三百四十里至其地有廢城即唐塔克

額格爾齊塔克唐置守捉於此其形勢可想見矣又按新

疆識略喀喇沙爾土爾扈特游牧東亦至烏沙克塔爾

是二部東境相等惟西境和碩特僅至小珠勒都斯而

土爾扈特則以大珠勒都斯為西界地域較廣遠矣又

考新疆屯務喀喇沙爾屯工三處三工烏沙克塔爾在

蒙古游牧記十四 珠勒都斯

地正東二百二十里種地二千六百畝由東北察罕通
格山溝內引雪水灌溉每年各屯共交糧五千九百五
十二石一斗七升又烏沙克塔爾西六十里曲惠地方
地當大路北山根下有河一道民人報墾地一千九百
九十三畝每年交糧二百五十九石九斗又和瑛三州
輯略云和闐使臣貢大玉三塊大者色青重萬斤次者
葱白重八千斤小者極白重六千斤以車運至喀喇沙
爾嘉慶四年奉旨停運棄於道傍今存烏沙克
塔爾臺和瑛詩詔弃和闐玉埋輪蔓艸蕪來從西旅道
產自罽賓隅駕鼓勞天馬投淵卻海珠何如此頑石罷
役萬南至開都河補注蘇爾德回疆志哈爾沙爾原係
民蘇南至開都河厄魯特達什達瓦游牧種地之所後
因變亂遂毀其城焚燒林木而逸其地遂荒大兵奏凱
以來復事開墾城南即開都河其川平坦廣濶沿河土
亦腴厚可耕和甯回疆通志云開都河俗名通天河源
出北大雪山逕喀喇沙爾西門外五里水勢甚寬東南
流夏有渡船冬月架冰橋以渡回莊多開渠引以灌田
會典圖說開都河上源曰珠勒都斯河折東流岐為二支
北山數水合西南流西納達賴克河折東流岐為二支
復合南北納十餘水而東北納瑪爾什河經庫勒爾北

折東南流注塔里木河秋濤按據會典圖水自博斯騰
泊流出始名開都河然細考新疆識略所載則二支既
合以後經喀喇沙爾城西者尚在未入博斯騰泊之前
已名開都河矣和碩特牧地在喀喇沙爾城北若其南
境以自博斯騰泊流出之開都河一統志載葉爾欽有塔
是喀喇沙爾城西之開都河也乾隆二十二年蓋即開都
里母河下流與西北來之海多河合海多河蓋即開都
河譯音無定字耳藩部要略云乾隆二十二年有沙拉
斯瑪呼斯者準噶爾二十四鄂拓克之二也居喀喇沙
爾之海杜河西海杜河亦即開都之音轉也乾隆丁丑
春將軍成衮札布參贊舒赫德等由朱勒都斯路進伊
犁道遇克勒特烏魯特沙喇斯嗎唬斯等鄂拓克皆撫
降其眾不取其馬駝大軍過而賊復叛乃遣都統滿福
領偏師追剿沙喇斯嗎唬斯二鄂拓克賊人詭持軍門
劄自稱已就降撫並云前驅除道以待滿福行矣哈拉
和落竟以墮計捐軀即此地也又庫車有渭干河下流
與開都河合兩河俱出嘉魚細鱗巨口紅腮疑即鱸也
曹麟開塞上竹枝詞云萬壑爭從淖爾輸渭干河水合
開都細鱗巨口天生鱸那滅吳淞玉尺鱸三州輯畧海
都河冬月冰凍甚堅車馬逕過名曰冰橋和瑛正月二

十八日渡冰橋詩天造輿梁穩春冰迨未開馬騰銀漢
上人駕玉虹來濡尾狐猶聽潛波魚尚猜兩驂忙叱馭
快似碾西至小珠勒都斯補注亦作小裕勒都斯即開

裕勒都斯河出自阿勒坦陰克遜之北源處極四北至
十三度十分西三十一度三十分和碩特牧地也

察汗通格山補注秋濤按察汗通格亦作察罕通格在

九十五里地有廢城城西有泉委折而南經烏沙克塔
勒城東分導灌田自闢展西入納林奇喇塔克博羅圖

塔克谷口循博羅圖郭勒踰塔什所部三旗自為一盟
海至其地為喀喇沙爾東北境

曰巴啟色勒啟勒圖隸喀喇沙爾大臣兼轄歸伊犁將

軍節制

壽陽閻汝弼覆校

蒙古游牧記卷之十五

平定張 穆初稿

光澤何秋濤補輯

和博克薩里舊土爾扈特蒙古烏訥恩素珠克圖盟

北路游牧所在標題秋濤 依例補

原北路舊土爾扈特部在塔爾巴哈台城東補注塔爾巴

師一萬零二百八十里原在伊犁東北一千九百五

十里新疆識畧軍臺道里表自伊犁惠遠城七十里至

沙喇布拉克臺六十里至塔勒奇阿滿臺四十里至鄂

博勒齊爾臺八十里至鄂勒著依圖博木臺八十里至

瑚素圖布拉克臺一百二十里至托霍木圖臺一百一

七十里至托里臺九十里至精河臺八十里至噶順腰臺

木達臺六十里至布爾噶濟臺七十里至庫爾喀喇烏

和博克薩里

蘇臺八十里至奎屯臺九十里至庫爾必喇臺九十里至沙喇烏蘇臺七十里至鄂倫布拉克臺九十里至烏爾格圖布拉克臺一百二十里至雅瑪圖臺一百二十里至沙喇瑚魯素臺一百二十里至色特爾莫多臺一百二十里至塔爾巴哈台底臺此軍臺路程也其由喀倫行者惠遠城二百五十里至干珠罕又一百二十里至烏蘭布喇又九十里至沁達蘭又一百四十里至額爾沁達蘭又一百里至莫多巴爾魯克又九十里至額爾格圖又八十里至察罕托海又一百二十里至瑪尼圖又一百三十里至塔爾巴哈台共一千四百三十里又水道表舊雅爾城水凡三支分繞城東西南流注阿拉克圖扈爾淖爾乾隆二十九年建城於雅爾三十一一年移於楚呼楚為今塔爾巴哈台城故此為舊城也補注西域圖志天山北路圖說曰太白山陰準夷是宅而北境尤廣東抵阿勒坦北界俄羅斯南臨沙磧中間土地肥腴厥名塔爾巴噶台為古匈奴烏孫交壤處唐則西突厥諸部在焉山形水脈逶迤西走長流巨浸都在剛巒襟帶間在時部落錯處利賴保居金山以為屏邏水以為池何必非形勝所憑而築點反覆卒就芟夷覽者於此考五單于角逐之場稽三葛邏憑陵之跡益共仰

聖謨之運不徒誇地勢之雄若南境與迪化州接畛斥鹵彌望畧同瀚海蓋即唐之沙陀州云四庫全書提要河朔訪古記二卷此書實為納新族出西北郭囉洛因以為民郭囉洛原作葛邏祿納新原作迺賢今改正郭囉洛者以西域圖志攷之即今塔爾巴哈台也元時色目諸人散處天下故納新寓居南陽後移於鄆縣乾隆中平定伊犁之後初次致祭塔爾巴哈台山欽頒祝文曰惟神鍾靈西徼環鎮北庭作屏障於龍堆抱峯巒於烏壘前者天兵薄伐既梯棧之無虞今茲土宇宏恢宜懷柔之徧及途開九折殊方永荷靈庥秩並三公展告聿隆祀典式彰舛蠶欲格匪遙嗣復頌歲春秋祭祝文曰惟神衍脈天山効靈中土表崇高於北徼標形勝於西陲夙稱邊塞之雄藩聳重巒而特出永作鴻圖之拱衛環疊嶂以相維瑞靄祥氛答四時之靈貺升香薦帛昭萬載之懷柔秋祀攸隆洪床丕著初祭中允畢沅之詞歲祭編修曹文植之詞也褚廷璋西域詩塔爾巴哈台多羅川外夜吹蘆雉堞新城接上腴寒月已寒三葉護邊風猶動五單于名藩甲卷煙消漠健將弓開血灑蕪不是皇威宣北徼春光誰遣徧墳墟名藩句自注西北接哈薩克部界大

兵追阿睦爾撒納入其境哈薩克撤帳數千里因而內附健將句自注巴圖魯侍衛奇徹布克敵制勝於此

當金山之西南霍博克薩里原注新疆識畧塔爾巴哈

六年由伊犁移住在城東六百餘里霍博克賽里地方

游牧西域釋地賽里山在塔爾巴哈台城東八百餘

里山之陽名和博克薩里準噶爾未滅時此其游牧無

名氏新疆紀畧土爾扈特來降其親王策伯克多爾濟

部落三千餘戶安插於撻拉巴哈台城東四站賀伯克

薩里地方西域水道記納林喀喇山之東為阿勒坦烏

梁海種人山之西為和博克薩里土爾扈特種人策凌

傳載喀爾喀與厄魯特分界議云策妄阿喇布坦存日

游牧和博克薩里察罕呼濟爾池西數年來漸越額爾

齊斯推是言之和博克薩里初亦準部地既入版圖乾

隆三十六年始昇北三旗土爾扈特布延圖親王駐之

又注按和博克薩里相承為一處地名考之準語和博

克汲水器也以皮為之其地有井居人往汲故以名地

薩里謂馬股言地形似之蓋和博克自為一地故有納

林和博克克特和博克也補注秋濤按會典輿圖有和

博克河薩里山是本為二地合而言之者猶云和博克

河旁之薩里山耳今新疆識畧圖則徑名霍博克薩里

河蓋西北地名亦隨時改易也水道提綱云阿爾泰山

頂西南入百餘里曰賽兒山南徑哈密城三度四分西

徑準噶爾城踰漠入度又云西二十三度五分極四十

六度七分以地勢揆之賽兒當即薩里也至納林和博

克地東南至克特和博克相距止二十里納林和博克

北倚鄂爾和楚克山下有泉南流會克特和博克之

水合流南注于哲克得里克特和博克西三里許有

補至京師

九千七百餘里漢時為匈奴西境烏孫北境北魏為蠕

蠕地後周時入於突厥唐為西突厥地明時為衛拉特

地舊為準噶爾台吉游牧處乾隆二十年準部平地屬

塔爾巴哈台轄三十六年賜北路舊土爾扈特

為牧地原三旗曰北路旗和碩布延圖親王游牧汗渥
巴錫族子策伯克多爾濟曾祖袞札布阿玉奇汗之子
也乾隆三十六年從渥巴錫入 覲封和碩親王

賜號布延圖授札薩克四十年定霍博克薩里
為舊土爾扈特部北路以策伯克多爾濟領之授盟長

賜印原注初策伯克多爾濟來歸獻金削刀及
策伯克多爾濟得其馬以獻 御之良 賜名寶吉驪

駕幸木蘭行圍 御幸入駿之一四十年以年班入
列 復獻阿玉奇所服剛甲蓋世守物也 上嘉其誠 覲

先後所獻物皆 四十三年卒弟奇哩布襲原注奇哩
製詩紀之 薩克一等台吉轄右翼旗務兼副盟長及策伯克多爾
濟卒子功 詔奇哩布襲納右翼印毀之

四十八年

詔世襲親王爵罔替原注佐 右旗公

品級札薩克一等台吉游牧親王策伯克多爾濟之子
恭格車稜初授公品級一等台吉乾隆五十年授札薩
克 詔轄其父屬眾別鑄北路右翼札薩克印

賜之缺出請 旨原注佐 左旗札薩克一等台

吉游牧汗渥巴錫族子阿克薩哈勒親王奇哩布弟也
乾隆三十六年授一等台吉四十年 詔轄北路

左翼旗務授札薩克 賜印四十四年授副盟長

五十四年卒子阿咱拉襲五十七年封輔國公卒子多
爾濟那木札爾道光二年降今爵世襲罔替原注佐 牧

地補注秋濤按圖志云西二十九度東至噶札爾巴什

諾爾原注接科布多屬阿爾泰烏梁海界西域釋地

海補注秋濤按輿圖有赫薩爾巴什泊即此諾爾異名

在哈喇莽奈山北一百里所部正在泊之西南凡金山

東南烏隴古河布爾干河青吉斯河諸水皆滙於此泊

即新土爾扈特地會典圖說北路土爾扈特三旗在

塔爾巴哈台城東與科布多所屬新土爾扈特境接

是西至察漢鄂博原注接塔爾巴哈台所屬額魯特游

分移游牧於巴爾魯克毛海柯凌齊爾等處距城東南

百餘里夏季挪於雅瑪圖策勒克等處距城二三百里

與察哈爾哈爾薩克各佐領同游牧西北皆設喀倫

接哈薩克界轄於參贊大臣歸伊犁將軍節制又按塔

爾巴哈台察哈爾游牧在城東南二百餘里拜興圖一

帶地冬夏挪移不定哈薩克有左右二部右部在伊犁

喀倫外左部在塔爾巴哈台及科布多屬阿爾泰烏梁

海喀倫外自乾隆三十年起陸續投誠九十餘戶計七

百餘口安插哈爾巴哈台西北喀倫外游牧編為一佐

領屬參贊大臣轄四十四年後定例凡哈薩克人來投

者皆南至戈壁原注接甘肅迪化州界補注秋濤按此

唐所謂沙陀者也踰戈壁接迪化州界州即烏魯木齊

也按會典圖說云迪化州西北界伊犁所屬北路土爾

扈特旗洪亮吉乾隆府廳州縣圖志曰迪化州漢為蒲

突厥地隋為西突厥地唐初為蒲類縣寶應元年更名

為後庭縣宋為高昌國北庭地元屬回鶻為五城地明

屬衛拉納木朝初為準爾庫本諾雅游牧處乾隆二

十年內屬賜名迪化別於舊城北建迪化新城

三十八年改設直隸州分巡鎮迪道駐此褚廷璋西域

詩烏魯木齊額魯公孫此建領天戈萬里下風靈山圍

蒲類分西谷雲護沙陀拱北庭不斷角聲橫月白無邊

蒙古游牧記十五 和博克薩里

又有貝倫山俱北至額爾齊斯河原注踰喀倫接哈薩
與烏魯木齊界補注會典圖說
額爾齊斯河自科布多界西流北納諸河至塔爾巴哈
台城東北瀦為齋桑泊俄東河特穆爾河出城東北
流阿布塔爾謨多河出城北境東流皆會焉復自泊西
北出仍名額爾齊斯河東納輝齊爾河又北西納布坤
河納林河經科布多西境入哈薩克界秋濤按唐時西
突厥地附近金山以地理診之額爾齊斯河蓋即唐時
之多邏斯川也攷唐書突厥傳賀魯者室點密可汗五
世孫曳步利設射匱特勤劫越子也始阿史那步真來
歸國咄祿可汗以賀魯為葉護代步真居多邏斯川直
西州北千五百里按西域圖志今闡展土魯番唐屬西
州交河郡額爾齊斯河在今闡展北八百里外里數古
浮今實加以山川迥互不皆徑直則所云多邏斯川直
西州北千五百里者當即今塔爾巴哈台境內之額爾
齊斯河以古印今形勢符合又唐書云顯慶初蘇定方
與在雅相蕭嗣葉婆間窮討賀魯定方命嗣業婆閏趨
邪羅斯川按邪羅斯川亦即多邏斯川邪與多為音之
譌邏羅則書法稍變耳又按額爾齊斯河源委甚
長下流入於北海詳見秋濤所著朔方備乘中補所

部三旗自為一盟曰烏訥恩素珠克圖盟北路隸塔爾

巴哈台大臣兼轄歸伊犁將軍節制

庫爾喀喇烏蘇舊土爾扈特蒙古烏訥恩素珠克圖

盟東路游牧所在標題秋濤
依例補

原東路舊土爾扈特部補在庫爾喀喇烏蘇城西南補注

喀喇烏蘇距京師九千五百五十里在伊犁東一千
九里西陲要略庫爾喀喇烏蘇城乾隆四十六年所築
名慶綏城門四東撫仁西向義南溥澤北奉恩城垣高
一丈六尺底厚二丈頂厚一丈二尺周三里有奇西域
圖志庫爾喀喇烏蘇路東至奎屯接綏來縣界西至托
和木圖接伊犁東路之呼蘇圖拉克臺界北接塔爾巴
哈台界南原當天山之北濟爾噶朗原注西域釋地濟
喀喇烏蘇城西南為土爾扈特游牧乾隆二十年將軍
兆惠駐師於此聞準部宰桑等扇亂移兵往剿甫至鄂

壘扎拉圖突遇賊乘夜擊之殲千餘人適其酋噶爾藏
多爾濟等糾眾邀歸路力戰全隊還屯巴里坤西域
水道記慶綏城西南九十里山中有雅將軍營謹按方
略雅爾哈善以乾隆二十二年三月任參贊五月駐濟
爾噶爾總辦軍務斯其舊壘今尚巋然有水發於壘北
流經鄂壘札拉圖為鄂壘札拉圖水注準語濟爾噶爾
謂安居之也鄂壘高聳之象札拉冠上纓也補至京
冠傳準夷擊服回人於此加服冠纓故名

師九千五百餘里漢時為烏孫國地北魏為蠕蠕地後
周時入於突厥唐為西突厥地後為嗚鹿州都督府地
明時為衛拉特地舊為準噶爾各鄂拓克及各台吉游
牧處乾隆二十年準部平地屬烏魯木齊統轄三十六
年賜東路土爾扈特為牧地原二旗曰石旗札
薩克多羅畢錫呼勒圖郡王游牧汗渥巴錫族弟巴木

巴爾曾祖納札爾瑪穆特阿玉奇汗從弟也補注巴木

日羅卜藏祖曰烏巴什多爾濟為額濟納貝子阿喇布
珠爾從弟阿喇布珠爾於康熙年間先內附受封見後

額濟納乾隆三十六年授今爵賜畢錫呼勒圖號

原注巴木巴爾祖多爾濟雍正九年遣使奏請赴唐古
特禮達賴喇嘛許之比歸優資乾隆三

十六年巴木巴爾抵伊犁病長子車凌德勒克亦病乃
遣次子達木拜札爾桑入覲奏臣父巴木巴爾

語臣曾祖多爾濟遣使入貢赴藏歸牧誦
朝恩示頒賜物臣曾祖詣首受謂臣祖羅卜藏

日我等遠東蒙恩若此蓋內附因挈屬行次策
木河哈薩克兵驟至懼不敢進仍歸額濟納河今臣等

如天之福幸得為僕屬恨不令臣曾祖見之
上嘉其誠故錫命特異補注並授其子車凌

德勒克及達木拜札爾桑各一等台吉明年巴木巴爾
病瘳入覲賞章服銀帛有加並圖其形藏之秋

爾濟傳則云多爾濟蓋相沿省文也三十九年卒子車
凌

稜德勒克襲補注車稜德勒克初授一等台吉至是襲封四十年定濟爾噶

朗為舊土爾扈特部東路 命轄右翼旗務授盟

長 賜印四十八年 詔世襲罔替原注佐領四

左旗札薩克固山依特格勒貝子游牧汗渥巴錫族子

奇布騰父葉木沁郡王巴木巴爾之弟也乾隆三十六

年授今爵 賜依特格勒號四十年授盟長轄東

路左翼旗務四十八年 詔世襲罔替原注佐領三牧

地補注秋濤按圖志云西三十度四十四分北極高四十四度二十四分距庫爾喀喇烏蘇城八十五里

跨濟爾哈朗河補注會典圖說東路土爾扈特二旗在蘇南山名古爾班恰克圖山中產金置濟爾噶朗廠

蘇南山名古爾班恰克圖山中產金置濟爾噶朗廠

金夫二百九名古爾班恰克圖水北流經土爾扈特喇

嘛寺又西北流經布爾哈齊軍臺西十里許為濟爾噶

朗河又曰多木達喀喇烏蘇言於三喀喇烏蘇居中也

布爾哈齊莊南五里許沙阜湧泉流如跌澗勢甚湍急

北經莊東二十許步為布爾哈齊水西北流入於濟爾

噶朗河濟爾噶朗河又西北流入於庫爾喀喇烏蘇河

濟爾噶朗廠西南有山曰額布圖嶺發泉東北流為額

布圖河又曰固爾班喀喇烏蘇其水自東北折而西北

流百餘里入於庫爾喀喇烏蘇河又西東至奎屯河

三十餘里入於喀喇塔拉額西柯淖爾東至奎屯河

接甘肅綏來縣界西域釋地奎屯河在庫爾喀喇烏

蘇城東南西域水道記準語奎屯謂冷奎屯河猶言冷

水河源出額林哈畢爾噶山山產金乾隆三十六年置

廠其年土爾扈特歸順置東路二旗于二百二十戶於

奎屯河西岸明年伊犁將軍舒赫德以土爾扈特郡王

巴木巴爾游牧與淘洗金沙之河相距三十餘里罷兵

丁之洗金者四十七年都統明亮仍置廠金夫二百一

戶渠西曰民戶渠戶屯之北為兵屯河逕兵屯東折而西北流逕軍臺西為庫爾喀喇烏蘇河補注
頡奎屯河春秋祭祝文曰衍派天山導源月窟湛然無滓性殊湯谷之温注焉不盈德比寒泉之食波成文而曲折下注伊犁水如鏡以澄明近鄰策集功惟潤下勢欲朝宗洵神應之聿昭宜吉蠲之罔替并包九寓戡定二庭路逾弱水之西王鈴遠授地盡河源之外茂校新屯乃咨都護之臣肇舉名川之祀穿渠引水灌溉之利依資剗木乘桴濟涉之功尤遠自古販章未闢不登裴矩之圖於今中外為家合補麗元之注清醪載酌制帛爰陳康我塞垣永作渠搜之襟帶昭茲功德長歆嗣歲之馨香式薦苾芬庶希鑒格乾隆府廳州縣圖志甘肅迪化州綏來縣東南至州三百八十里漢烏孫國地後漢移支國地三國仍屬烏孫魏高車國地周突厥地隨為西突厥鐵勒地唐為西突厥處密部後內屬為鹽泊都督府宋元為回鶻地明屬衛拉納本朝初年為準噶爾呼拉瑪部游牧地納木奇之昂吉乾隆二十八年入版圖後建綏來堡四十二年建綏甯康吉二城四十四年設綏來縣秋濤按瑪納斯河在綏來縣西今於縣設瑪納斯營三州輯略云瑪納斯水田稻米最佳又

瑪納斯城南一百餘里名清水泉又西百餘里名後溝又西百餘里名大溝皆產綠玉乾隆五十四年封閉瑪納斯綠玉廠禁止開採又按天山北路采金之役亦自瑪納斯始三州輯略云乾隆三十六年提督巴彥弼奏言烏魯木齊所屬瑪納斯地方南面一帶入山伐木之人常獲金塊又瑪納斯西接庫爾喀喇烏蘇山勢縣直數百里沙礫內有金屑顯露必有金砂苗綫可尋現在委員踏看如果金苗旺盛再行開採嗣經徐績雅郎阿等查奎屯河上游山中創見金屑令三十九人淘洗七日得金一兩五錢八分又於呼圖壁河上游令二十五人淘洗五日得金六錢六分此置金廠之始三十七年奏停四十七年都統明亮奏南山一帶並奎屯河呼圖壁瑪納斯庫爾喀喇烏蘇等處依山傍水間產金砂設司金局發給民人路票入山淘金納課四十八年都統海祿奏裁司金局改歸鎮迪道總理各州縣承辦迪化州屬東溝口廠東至馬圈溝西至頭屯南至後硤北至水西溝金夫一百九十名水西溝廠東至雪山根西至三盆口南至馬圈溝北至大拉牌金夫一百七十三名白楊溝廠東至東溝口西至後硤南至繡沙觜北至草達坂金夫五十名繡沙觜廠東至水西溝西至後硤南

蒙古游年言十五 蘇土爾扈特

至白陽口北至駱駝亭金夫七十名頭屯廠東至照壁
山西至西盆南至三盆口北至撈霸灣金夫五十五名
駱駝亭廠東至大拉牌西至河沿南至繡沙嘴北至硤
門子金夫二十五名大西溝廠東至河沿西至草達坂
南至硤門子北至卡倫金夫九十名昌吉縣屬三屯廠
東至廟兒溝西至呼圖壁廠南至山峽北至草達坂金
夫二十三名呼圖壁廠東至三屯廠西至清水河南至
山峽北至溝口金夫二十三名綏來縣屬烏蘭烏蘇博
羅屯古廠東至紅柵廠西至清水河南至南山北至戈壁金
夫二十二名紅柵廠東至清水河西至烏蘭烏蘇南至清
達子橋北至瑪納斯金夫四十八名達子橋廠東至清
水河西至烏蘭烏蘇南至南山北至紅柵金夫三十四
名庫爾喀喇烏蘇屬濟爾噶喇廠南直溝一道南至
腰沙臺子北至大崖頭東西俱至本溝山金夫二百九
名奎屯廠南直溝一道南至三道河北至九間樓東
西俱至本溝山金夫二百一十名共夫二千二百二十三
每名月交課金三分每月共收課金三十六兩六錢九
分說者謂西域當乾兌之位為玉為金各以氣應固不
誣也長春真人西游記曰九月二日西行四日宿輪
臺之東迭屑頭日來迎南望陰山三峯突兀倚天又歷

二城重九日至回紇昌八刺城其王畏午兒率眾來迎
既入齋於臺上泊其夫人勸蒲萄酒且獻西瓜其重及
秤甘瓜如枕許其香味蓋中國未有也園蔬同中區有
僧來侍坐使譯者問看何經典僧云剃度受戒禮佛為
師蓋此以東昔屬唐故西去無僧道回紇但禮西方耳
程春廬延尉同文曰輪臺東為阜康縣治在博克達山
之陰故云南望陰山也元史地理志西北地附錄有彰
八里當即此昌八刺城耶律希亮傳中統元年阿里不
哥反希亮喻天山北庭都護府二年至昌八里城夏
踰馬納思河則昌八里在今瑪納斯河之東也自鼉思
以西唯昌八刺阿里馬為大城秋濤又按綏來縣之
東有昌吉縣舊地名昌吉與昌八刺音近疑亦昌八刺
所屬之地即以古地為名也圖志云昌吉縣在迪化州
西東距州治一百二十里昌吉郭勒經流其地乾隆二
十七年於昌吉郭勒西建甯邊城門四東曰文同西曰
武定南曰諾邈北曰燮遐三十八年設縣隸迪化州縣
境東西二百里東至頭屯河接州界西至呼圖
克拜郭勒接綏來縣界南至天山北至葦湖南至南
山補山接珠勒都斯南西至庫爾喀喇烏蘇屯田
山路土爾扈特及和碩特界

蒙古游年言十五 庫爾喀喇烏

補注接精河所屬軍臺界。乾隆二十七年，初置庫爾喀喇烏蘇屯田五千四百畝，遞年或增或減。四十年，額屯三千六百三十六畝，管屯都司守備千總把總外委各員由陝甘省調撥。土宜麥黍粟青稞。**原注**西域水道記：慶綏城戶八十四種，田二千五百二十畝，額徵糧百四十二石六斗七升六合。兵屯田數如戶屯，兵凡百二十人。西域釋地：慶綏城西二里許，小邱形周如釜，中有池水，極涼約深數丈，四時不消不長，每夏白蓮自水底挺出，花朵稍小，開有如盤大者，幹或長至一二丈，可異也。**補注**新疆識略：曰庫爾喀喇烏蘇所屬土爾扈特也。西至固爾圖托多克兩軍臺之中，立界固爾圖塘至托多克塘六十里，托多克塘至精河底塘一百五十里。**北至戈壁**，**原注**接塔爾巴哈台**補注**所部二旗自為一盟，曰烏訥恩素珠克圖盟東路，隸庫爾喀喇烏蘇大臣管轄，歸烏魯木齊都統及伊犁將軍節制。

晶河舊土爾扈特蒙古烏訥恩素珠克圖盟西路游

牧所在 標題秋濤 依例補

原西路舊土爾扈特部**補**在伊犁城東

補注伊犁距京師一萬零六百一

十里，新疆識略：伊犁之地在漢及魏為烏孫，在唐為西突厥，在明為瓦剌，即衛拉特之譚衛拉特，凡四而綽羅斯部居首，是為準噶爾。乾隆二十二年，平準噶爾，定伊犁，其地統轄新疆，為天山南北總會之區。自北而西，與哈薩克接界，自西而南，與布魯特接界，東與烏魯木齊所屬精河接界，東北與塔爾巴哈台所屬阿魯沁達蘭卡倫接界，南與阿克蘇所屬噶克察哈爾海臺接界，東西一千五百餘里，南北一千一百餘里。木蘇爾峙其陽，塔勒奇障其陰，左以額林哈必爾罕為門戶，右以善塔斯為藩籬，而伊犁河橫亘其中，河之北列城九，為將軍官兵分駐之所，有游牧二河之南，為錫伯厄魯特駐劄游牧之所，地處極邊，形勝四塞，褚廷璋西域詩：伊犁人驅風雪獸驅煙，猶見烏孫立國年。海氣萬重吞麗水，山容三面抱祁連。盤雕紅寺朝鳴角，散馬青原夜控弦。紀績穹碑銜落日，英靈班鄂想迴旋。紅寺句自注：伊犁有海弩克固爾札爾廟，固爾札爾廟東建有前後勒銘伊犁。

碑班鄂句自注定西將軍班第原當天山之北晶河東

參贊大臣鄂容安盡節於此原在精河西域水道

岸補秋濤按會典號晶土爾扈特原在精河西域水道

記固爾圖喀喇烏蘇西二百五十餘里為晶河出安

阜城南山其山即伊犁哈什河北岸山陰也山有峽口

日登努勒台兆公惠會由此進兵故安阜城南十里有

兆將軍廢壘新唐書地理志云黑水守捉又七十里有

東林守捉又七十里有西林守捉又經黃艸泊大漠小

磧度石漆河踰車嶺至弓月城過思渾川蟄失蜜城渡

伊麗河蓋即由登努勒台至伊犁矣石漆河或晶河之

舊稱河三源並出為古爾班晶河準語晶謂蒸籠也河

濱沙土濕暖如蒸故名西北流出山逕西路一旗土爾

扈特游牧一百科樹之西北距安阜城九十里又西北

流導西流渠一溉戶屯田又西北流導東流渠一溉兵

屯田又西北流逕晶河舊城西半里又北流百餘里入

喀喇塔拉額西柯淖爾安阜城西二百里至托霍木圖

軍臺南南盡哈什圍場山陰北盡淖爾皆土爾扈特錯

處自城以南則河東者游牧河西者屋居自城以北則

河東者屋居河西者游牧穆按安阜晶河新城名也補

注秋濤按會典圖說云精河出精河城西南三水合北

流經城西大河出其西二水合東北流博羅塔拉河出

瞻德城北山四水合東流俱入鹽海子洪亮吉天山客

話云自晶河至烏蘭烏素數百里中楊柳夾途草香花

密與戈壁中風景絕異但蚊蚋多耳又云烏蘭烏蘇至

瑪瑙斯數程內遙瞰南山石壁色如丹砂與天台之赤

城無補至京師一萬餘里漢時為烏孫國地北魏時

為悅般國尋為蠕蠕所併後周時入於突厥唐初為西

突厥地後為盟鹿州都督府地元為阿勒穆爾地補

按阿勒穆爾亦作阿爾穆爾舊作阿力麻里元史地理

志諸王海都行營於阿爾穆爾等處蓋其分地也自高

沙分流也南際陰山之麓踰沙又五日宿陰山北詰朝
南行長坂七八十里抵暮乃宿天甚寒且無水晨起西
南行約二十里忽有大池方圓幾二百里雪峰環之倒
影池中師名之曰天池沿池正南下左右峰巒峭拔松
樺陰森高踰百尺自顛及麓何啻萬株眾流入峽奔騰
洶湧曲折彎環可六七十里二太子扈從西征始鑿石
理道刊木為四十八橋橋可並車薄暮宿峽中翌日方
出大峽東西大川水艸盈秀天氣似春稍有桑棗次及
一程九月二十七日至阿里馬城鋪速滿國王暨蒙古
塔刺忽只領諸部人來迎宿於西果園土人呼果為阿
里馬蓋多果實以是名其城其城出帛目曰禿鹿麻蓋
俗所謂種羊毛織成者時得七束為禦寒衣其毛類中
國柳花鮮潔細軟可為綫為帛為綿農者亦決渠
灌田土人惟以瓶取水及見中原汲器喜曰桃花石諸
事皆巧桃花石謂漢人也程春廬廷尉同文曰晶河城
東至托多克積沙成山浮澀難行東距阜康縣千一百
里故云十餘程其間亂流而過當有洛克倫河呼圖壁
河瑪納斯河烏蘭烏蘇河記不顯言塞外之水山雪所
融夏日盛漲過時則涸九月正水竭之時蓋不知有河
也自托多克過晶河山行五百五十里至賽喇木淖爾

夏下流牛言十三扈特

東岸淖爾正圓周百餘里雪山環之所謂天池海並淖
爾南行五十里入塔勒奇山峽諺曰果子溝溝水南流
勢甚湍急架木橋以度車馬峽長六十里今為四十二
橋即四十八橋遺址出塔勒奇山口南行百七十里至
惠遠城乾隆二十八年建今日伊犁城阿里馬城或即
在阿里瑪圖河側阿里瑪圖河在拱宸城東北出塔刺
奇山口至阿里瑪圖河僅百里湛然居士集有從容菴
錄序末題曰甲申元日漆水移刺楚材晉卿序於西城
阿里瑪城又西遊記歸途云三月二十三日宣差阿
狗餞於吹沒輦之南岸又十日至阿里馬城西百餘里
濟大河四月五日復度四十八橋緣溪上五十里至晚抵陰山
前宿又明日復度四十八橋緣溪上五十里至晚抵陰山
東北過陰山後行二十二日方接元歷金山南大河海
路徐星伯太守松曰其歸途渡那林河而直北由特默
爾圖淖爾之西以達吹河之南乃轉而東北渡伊犁河
其渡處在察林渡之東故百餘里即至阿里馬城自阿
里馬城出塔勒奇山口經賽喇木淖爾與往時程同過
賽喇木淖爾不復東折而東北行其分路處在干珠翠
卡倫地東北山行由沁達蘭至阿魯沁達蘭明時為衛
入塔爾巴哈台界以至原歷之金山大河駟

袁古存文已十五晶河土爾

拉特地舊為準噶爾各鄂拓克及各台吉游牧處乾隆二十年準部平地屬伊犁將軍統轄三十六年

賜舊土爾扈特為牧地原一旗曰西路旗札薩克多羅

濟爾噶朗貝勒游牧汗渥巴錫族叔父默們圖高祖羅

卜藏諾顏書庫爾岱青弟也乾隆三十六年封今爵

賜濟爾噶朗號授札薩克四十年定晶河牧地為

舊土爾扈特部西路授盟長 賜印四十八年

詔世襲罔替原佐領四舊土爾扈特東南北三

西路為羅卜藏諾顏裔以札薩克八皆書庫爾岱青裔惟

乏從眾故僅設札薩克一牧地補注秋濤按圖志云西

高四十四度三十三分地名東至精河屯田原接精

托里在精河城西九十里

城水道記安阜城管戶四十二屯兵六十八戶屯兵屯

各種田千二百六十畝又有園戶種田千二百四十三

畝補注乾隆二十七年初置精河屯田四千五百畝遞

年或增或減四十年額屯三千三百六十畝其管屯都

司千總把總由陝西省調南至哈什山陰原接伊犁

撥土宜小麥青稞粟穀所出山口地名登努勒台西南山之陽即伊犁哈什河源

釋地哈什山在慶綏城西南與登努勒台山口相直補

里地曰沙泉子沙泉子正南與登努勒台山口相直補

注會典圖說哈什河出庫爾喀喇烏蘇城南哈什山北

合十餘水西流來會曰伊犁河異域竹枝詞云虎豹熊

羆麋鹿饒將軍會獵趁秋臙不須夜識金銀氣塞草肥

時塞馬驕注云伊犁之東一百八十里曰哈什山峯嶺

高峻迴環數百里其上多銀其下多野獸為將軍圍場

有哈什回子之城伊犁輿圖曰惠遠城五十里至沙喇

托海又六十里至濟爾噶朗又五十里至塔什鄂斯坦

袁古存文已十五 晶河土爾

圖為第三圍又十里至哈普齊克布董為第四圍又十里至哲庫布董為第五圍又十五里至阿爾斯朗圖布董為第六圍又五里至哲里莫多為第七圍又五里至阿木爾莫多為第八圍又十里至圖爾根察罕烏蘇為第九圍又六里至阿爾沙圖察罕烏蘇為第十圍即底圍也其山陰則屬喀喇庫爾烏蘇境矣
欽頌哈什河春秋祭祝文曰惟神澤沛金方靈昭坎德匪特刻期而共注眾派同歸經固爾札以分流平原獨沃淵澄方折記玉水之潑洞積著安瀾靜銀波之浩淼効靈不爽錫典宜隆朕撫定遐陬救宵荒服塞煙隴月駐細柳以開營雪浪風濤挾飛鯉而競渡惟念斯河之天險彌慶今日之波恬粵稽嗚鹿名州益增式廓爰布沈狸合典用妥神明康我邊陲永秩春秋之祀綏爾藩部共歌清宴之麻肅此苾芬尚其昭格
秋濤按哈什地在伊犁之東為最要門戶形勢殊勝乾隆二十年五月將軍班第尚書鄂容安駐防伊犁阿睦爾撒納叛從賊宰桑克什木巴桑等應之八月以五千兵進犯伊犁班第等督兵迎剿至哈什力戰陷堅賊兵圍之數重班第鄂容安度不免以將軍印授其屬富錫爾間道齎還乃手殺數賊而死其屬額納伸巴甯阿亦皆自殺既而甦巴桑

執之數月乘間脫歸富錫爾道遇賊將劫其印幾被害乃沈印於河力戰得免二十四年西域平哈什入版圖三十二年建雙烈祠祀班第鄂容安
御賜匾曰 漢陞競烈並 製雙烈詩以旌其忠是年

補西至托霍木圖臺

御製又有三巴圖魯歌即謂額納伸巴甯阿富錫爾三人也
補 接伊犁所屬察哈爾游牧界
補 東至托里一百一十里西至伊犁所屬之瑚圖布拉克臺一百二十里又按伊犁東北二百里地名博羅布爾噶蘇即博羅布爾噶蘇山西谷口外地舊為輝特台吉康古武游牧之地乾隆二十年五月大兵抵伊犁率所屬一千戶內附地為伊犁東境門戶自博羅布爾噶蘇東北踰山接晶河界又按伊犁所屬額納伸巴甯阿亦與晶土爾扈特接界
補 北至喀喇塔拉額西柯淖爾為界
補 鹽海子西域釋地鹽海在精河城西北
補 蘇河出庫爾喀喇烏蘇城南山中三水合北流經城東及北合南來一水又西北濟爾噶朗河自其南注之
補 又西敦穆達河亦自其南注之合流瀦焉曰鹽海子所

部一旗自為一盟曰烏訥恩素珠克圖盟西路隸伊犁將軍節制

壽陽閻汝弼覆校

蒙古游牧記卷之十六

平定張穆初稿

光澤何秋濤補輯

額濟納舊土爾扈特蒙古游牧所在秋濤按今會典及地圖皆作額

濟納石州初稿亦作納後又改納為丙考各卷中亦不畫一今定本仍從納後仿此

原額濟納舊土爾扈特部在阿拉善旗之西補當甘肅省

甘州府及肅州邊外至京師五千五百餘里漢為居

延縣地張掖郡都尉治此補按郡屬之居延縣自顏師古

分為二地諸家異說紛起幾於以不狂為狂然其原委非詳攷莫能明也漢書地理志張掖郡居延澤在東北古文以為流沙都尉治師古注曰關駟云武帝使伏波將軍路博德築遮虜障於居延城又饒得下云羌

谷水出羌中東北至居延入海過郡二行二千二百里
以此驗知居延在饒得東北其里數亦約略可考方輿
紀要云居延城在甘肅西北二千二百里其東北有居
延澤亦曰居延海按括地志云漢居延故城在今張掖
縣東北二千五百三十里有遮虜障唐張掖縣即明甘肅
衛也二書所言里數不同當以括地志為正漢書武帝
紀元狩二年夏霍去病公孫敖出北地二千餘里過居
延斬首虜三萬餘級太初三年夏強弩都尉路博德築
居延天漢二年夏騎都尉李陵將步兵五千人居延
北與匈奴戰斬首虜萬餘級注師古曰居延匈奴中地
名也韋昭以為張掖縣失之張掖所置居延縣者以安
處所獲居延人而置此縣李陵傳天漢二年詔陵以九
月發兵出遮虜障王應麟玉海曰河西之未入漢也霍
去病欲攻小月氏則先望居延而濟乃至天山李陵欲
涉單于庭必先自居延北出乃至浚稽則知居延之出
匈奴乃其要路也漢既全得月氏之地立為四郡則居
延又為酒泉要路故築塞其上以扼其來名以遮虜可
見其實也通典既於張掖甘肅州著居延塞又於酒泉肅
州著遮虜障者甘肅州之西即肅州之東寇之來路互於
兩州之境故障塞之設亦互兩境李陵之軍自遮虜障

北出亦望遮虜障南入可見虜路出入無不由此也居
延塞即遮虜障也秋濤按漢書匈奴傳太初三年使強
弩都尉路博德築居延澤上是本紀所言築居延即築
於居延澤上也地理志居延澤是居延澤是居延縣即
博德李陵所築之城無疑詳攻浚儀所論則知霍去病路
皆為一地韋昭闕駟距漢未遠所言灼然可據而師古
以為非張掖縣是臆妄分其說謬矣又按後涼呂光嘗
徙西海郡人於諸郡而西海郡實領居延則居延在呂
氏時亦嘗移治師古蓋誤認移治處為漢舊縣而轉以
居延塞別為一地也元和郡縣志亦誤以遮虜障在酒
泉縣北二百四十里指為李陵戰處其致誤之故蓋與
師古同胡東樵執師古之說轉訾班氏以居延澤繫居
延縣下為未當充為失攷一統志亦疑元和志所記遮
虜障道里與漢書不合而不能決其後漢初因之
書明帝紀永平十六年駙馬都尉耿秉出居延伐北匈
奴李賢注云居延本匈奴中地名也武帝因以名縣屬
張掖郡在今甘肅安帝時改置張掖居延屬國別領居延
州張掖縣東北

一城補注司馬彪續漢書郡國志張掖居延屬國故郡

百三十三居延有居延澤古流沙補注獻帝建安末立為西

海郡補注秋濤按此從續漢志所載晉書地理志則云

雅請置統縣一居延居延澤在東南尚書所謂流沙也

立郡之年二書不同洪亮吉曰蓋請立於興平中至

建安末始置也秋濤又按漢志言居延澤在縣東北至

元志稱居延故城亦云澤在東北而晉志獨云澤在東

南南字誤也又按漢平帝時曾設西海郡在今青海境

厥後隋煬帝復設西海踵其故名與此郡之設於居延

者名同實異亦攷魏晉因之永嘉以後地屬前涼張軌

古者所宜知也補注洪亮吉十六國疆域志曰前涼沙州西海郡漢

置前涼領縣可考者一居延案駿分涼州西界三郡置

沙州除敦煌別屬外餘一郡無可攷今以東西道里計

之蓋即西海也張軌傳西海太守張肅又曰案張駿分

涼河諸州內無西海則西海屬沙州無疑晉志駿分敦

煌晉昌至為沙州二十五字文法不甚可解疑有錯誤

細校之疑敦煌晉昌四字下脫西海二字後涼呂光補注晉書載記光徙西

相扇動復徙之於河西樂都北涼沮渠蒙遜補注晉書

郭磨傳呂光西海太守王禎西涼李暠等相繼割據補注

大將軍沙州刺史西海侯西涼李暠等相繼割據補注

北史序傳云李翻弟豫位西海太守元魏為涼州所轄

洪氏引此為西海地屬李暠之證補注元魏為涼州所轄

地補注秋濤按元魏正光二年柔然亂其主阿那瓌婆

龜末遷冠軍將軍涼州刺史時蠕蠕主阿那瓌後主婆

羅門並以國亂來降羅表曰愚謂蠕蠕二主宜皆存之

居阿那瓌於東偏居婆羅門於西裔其婆羅門請修西

海故城以安處之西海郡本屬涼州今在酒泉直北張

鎮北土名無結山吐若奚泉敦煌北西海郡即漢晉舊障二處寬平原野彌沃阿那瓌宜置吐若奚泉婆羅門宜置西海郡各令總率部眾收聚離散又云阿那瓌所居既是境外宜少優遣婆羅門居於西海既是境內資衛不得同之秋濤按詳攷諸說則西海郡故城在涼州境內矣

隋唐為甘肅州北境

大厯中陷於吐蕃宋景德中地屬西夏曰威福軍補注方輿

紀要曰夏人嘗立威福軍於此元為亦集乃路屬甘肅行中書省補注秋濤

按元史地理志亦集乃路在甘肅州東北一千五百里城東北有大澤西北俱接沙磧乃漢居延故城元至元二

十三年立亦集乃路通鑑輯覽元順帝至正十五年初安置托克托於淮安既又移額齊訥路注額齊訥舊作

亦集乃今改方輿紀要肅州北有漢居延城元額齊訥路治此一統志引舊志云肅州衛城極北有北大路元

時為往來通道久廢轍迹猶存秋濤按此通道當即由肅州北至額齊訥路又北度漠至和林之通衢也明

為甘肅州二衛邊外地補注秋濤按明史太祖洪武

傅友德前驅再敗元兵下亦集乃路一統志王保保在和林明太祖屢招之不報洪武五年命徐達李文忠馮

勝分三路伐之勝軍至亦集乃路元岐王朵兒只班遁去原一旗札薩克多羅貝勒

游牧系出翁罕翁罕六世孫曰瑪哈齊蒙克有子二其

長曰貝果鄂爾勒克貝果鄂爾勒克之曾孫曰書庫爾

岱青第四子曰納木策稜是生納札爾瑪穆特為土爾

扈特部阿玉奇汗族弟阿玉奇汗游牧額濟勒河補注詳見

土爾扈特總敘地逼俄羅斯及準噶爾康熙四十三年

詔封納札爾瑪穆特之子阿喇布珠爾為固山貝子

賜牧色爾騰原注穆按水道提綱布隆吉河西北

勒池西南二百餘里其水南出雪山之陰西北流豬為

澤補注秋濤按色爾騰亦名黨色爾騰一統志土爾古

蒙古源流卷十一 額濟納土四

特國王何柱奇弟阿拉布珠兒自西藏還不能歸內屬
封貝子令居嘉峪關外黨色爾騰之地即此事蓋因其
地界在黨河色爾騰海之間故有此名志又云色爾騰
海在沙州衛西南三百餘里為青海要道又蘇賴河亦
名布隆吉河發源靖逆衛南山曰昌馬河河北流轉而西
經柳溝衛北為蘇賴河又西經安西衛北三里許西
沙州衛西北黨河自南來注之方數十里即古南籍端水
哈勒池其流長七百餘里池方數十里即古南籍端水
也三衛屯田俱藉此水灌漑黨河亦名西勒哈南來之
源沙州衛東南山中北流二百里折西流會南來之
一水又折北流遶沙州舊城之東新城之西流百餘里
入蘇賴河即古氏置水也按哈拉譯言黑色故臨川李
侍郎綬指為雍州黑水水道提綱亦存其說安西衛今
改為州沙州衛今改為敦煌縣並省柳溝衛入焉靖逆
衛今亦省入玉門縣色爾騰海之西有噶順池又有一
澤名小色爾騰海地皆在嘉峪關外故就近賜
牧所以安遠人也又按土爾古特即土爾扈特阿柱奇
即阿玉奇阿拉布珠兒即阿拉布珠爾皆譯字偶異耳
阿喇布珠爾實阿玉奇弟誤也先是阿喇布珠爾嘗假道
一統志以為阿玉奇弟誤也

準噶爾謁達賴喇嘛既而阿玉奇與準噶爾酋策妄阿
喇布坦脩怨阿喇布珠爾自唐古特還以準噶爾道梗

畱嘉峪關外遣使至京師乞內屬上憫其無

歸故有是命使轄其眾補注五十一歲土爾扈

俄羅斯表貢方物上嘉其誠遣侍讀圖麗琛等
齋蓋土爾扈特與俄羅斯界也阿玉奇復遣台吉宰桑等
導至拂廬我使授勅宣諭訖語之曰阿喇布珠
爾已惡爾恐戕之而詭以哈薩克歸爾牧以策妄阿喇布
欲令阿喇布珠爾歸當自俄羅來迎阿玉奇辭曰俄羅
斯乃嗜欲無由入中國矣阿喇布珠爾幸為數故不假
我道則我無由入中國矣阿喇布珠爾幸為數故不假
臣僕請勿遣歸時阿喇布珠爾之父納札爾瑪穆特亦
贈我使馬及方物我使以入境無私交辭阿玉奇待之
有隆禮畱旬餘筵宴不絕復附表奏謝五十四年春圖

麗琛等始復

命按藩部要略載此事首尾又云

五十二年遣使賚

珠爾歸云云石州日此條不應專系之五十二年觀異

域錄自明秋濤按圖麗琛等奉使往返已閱四年中間

別無使命此即一事而

要略誤分爲二條耳

從軍効力

詔率兵五百駐噶斯

補注

原旋卒

子丹忠襲雍正七年來朝晉封多羅貝勒九年以色爾

騰牧通噶斯之察罕齊老圖

補注秋濤按色爾騰海之

阿集格色爾騰水即小色爾騰海也周圍百六十里有

西二百里察罕齊老圖六池蒙古語察罕白色齊老

石也圖有地多白石以名其池焉六池錯列如星宿

當極三十九度四分西二十四度又西有哈達圖水又

西爲噶斯淖爾去羅布淖爾二百里蒙古語噶斯地名

即以爲池水名康熙雍正年間西域全境未入版圖以

噶斯爲屯兵戍守要地藩部要略云康熙五十四年準

噶爾敗遁議撤噶斯駐防兵以青海貝勒達顏所屬台

吉等游牧柴達木通噶斯之察罕齊老圖遣侍衛等駐

其地偵準噶爾蹤五十五年三月

朋素克旺札勒台吉達顏各選兵百屯噶斯路防準噶

爾賊五十六年達顏奏請增設噶斯兵防準噶爾

上躋其言以西安兵二千西甯兵一千益之雍正元

年青海羅卜藏丹津叛副將軍阿拉納自土魯蕃馳赴

噶斯斷由穆魯烏蘇往藏路二年叛黨吹喇克諾木齊

等遁噶斯岳鍾琪奉命進剿遣西甯總兵黃喜

林由西爾哈羅色赴柴達木斷噶斯路七年王大員等

議噶斯爲準噶爾通青海及唐古特要隘請選青海札

薩克兵千五百分屯噶斯及柴達木得卜特爾察罕烏

蘇諸路允之乾隆二十三年大軍剿瑪哈沁偵沙拉斯

瑪呼斯賊窟呼爾塔克羅卜諾爾以地近噶斯通青海

復遣識噶斯道者偵賊蹤一統志踏實堡在柳溝衛西

南一百五十里其西南一百里有巴圖墩二百里有石

堡城通雪山後要路有兵戍守自石堡城而南五十里

通噶斯大路最為衝要秋濤按合考諸書足知噶斯為形勝之地漢時通西域有南北二路噶斯即南路之咽喉也察罕齊老圖亦作插漢七老圖甘肅通志沙州外境西北有二路一路自葫蘆斯太西南七百三十里至衣松插漢七老圖當孔道西通伊犁塔里木河南通西海等處其間一千餘里有水草無夷人住牧此西路也又正南一路自衛一百八十里至黨城自黨城東南至額爾得泥布喇六百里有水艸亦無夷人住牧西通色爾騰西南通阿魯犬小柴達木鹽池郭必要路一統志巴顏布喇在沙州衛西南一百二十里通衣松插漢七老圖及黨色爾騰懼準噶爾掠乞內徙補注潘部要略柴打木之要路補注陝西總督查郎阿合攜戚屬準噶爾丹忠懼乞內徙補注阿勒坦者不爾濟者丹忠屬也亦叛附

游牧阿拉克山

補注秋濤按阿拉克山亦名阿爾山在黃河岸東碧柳圖山之陽與圖作阿拉克山爾山距色爾騰甚遠必非一地考水道提綱嘉峪關外有阿拉克池當是附近補注阿勒坦補注秋濤按此與西北阿之山與池同名也

同一統志青海有阿爾坦山在西甯邊外東北九十里山脈東趨北川抵浩疊水俗云此山出金昔有番人閑取故名觀此知凡出金特卜什等處尋定牧額濟內河之地皆可名阿勒坦矣補注秋濤按額濟內今作額濟納額齊訥舊作亦集乃厄几餒厄金餒額濟餒徐星伯先生云蒙古語額齊訥幽隱也明一統志張掖河在陝西行都司城西十里源出擺通川流逕祁連山西出合黎山名合黎水流入亦集乃界行都司志張掖河原名黑河自鎮城西南山流北入亦集乃界補注大清一統志厄濟納河在西套厄魯特旗西界又弱水源出山丹縣西南自與張掖河合其下通名為張掖河又討來河發源肅州西南五百餘里番界中有三派最西日討來河其西又有哈土巴爾呼河北流百餘里與討來河合又東北百餘里有巴哈額濟餒二河分流二百里許合流又北數十里與討來河會為一又東北流二百里許入邊繞州南至州東與張掖河合又東北出邊過金塔寺稍折而北又轉之水即禹貢弱水討來河今會典圖作滔賴河即漢志

之呼蠶水自與額濟納河會合而其下流之出邊牆外者遂通稱額濟納河禹貢錐指云弱水水經不言所出桑欽以為出張掖刪丹縣鄭康成曰眾水東流此獨西流而水經注無之其所經入不可得而詳也趙氏一清云按史記索隱曰水經曰弱水出張掖山丹縣西北至酒泉會水縣入合黎山腹漢志張掖郡刪丹縣桑欽以為導弱水自此而西至酒泉合黎即是小司馬所引之文是唐時尚有弱水篇今本盡失之耳張守節正義亦云合黎水出臨松縣東而北流逕張掖故城下又北流至縣北二十三里合弱水弱水自合黎山折而北流逕沙磧之西入居延澤行千五百里又漢志金城郡臨羌縣餘波入於流沙觀此則弱水之原委約畧可得矣水經又云流沙地在張掖居延縣東北注曰居延澤其沙風吹流行故曰流沙合觀諸說皆以居延即居延澤貢之流沙矣又按孔氏尚書正義云按鄯道元水經黑水出張掖雞山南海經灌湘之山又東五百里曰雞山黑

水出焉而南流注於海雞山不知在何郡郭璞無注而孔疏引水經以為出張掖之雞山檢今本無此文蓋其書有散逸耳太平御覽引張掖記曰黑水出縣界雞山亦名元圃昔有城氏女簡狄浴於元邱之水即黑水也據此則雞山當在甘肅張掖縣界漢為麟得縣地今陝西甘州衛西有張掖河即古羌中北流為張掖河合弱水東比入居延海俗謂之黑河此水並不經三危入南海安得以此為禹貢之黑水也秋濤按此黑河下流入居延海仍是弱水所匯之一川耳水經中今關黑水篇孔疏所引亦未足為據也西域水道記曰說文作溺水為正字禹貢作弱水為假借字今謂之黑河又曰張掖河後儒不知本為一河分張掖河當禹貢之弱水黑河當禹貢之黑水誤矣禹貢錐指言弱水原委甚詳且正程大昌以條支媯水為弱水之訛惟附會後漢書東夷傳及晉書唐書之文謂弱水自居延東北流歷夫餘挹婁而歸東海者亦誤秋濤按夫餘挹婁之在者秋濤別有考辨茲不具載水道記又曰江氏所羣經補義以梁州黑水為今金沙江雍州黑水為今肅州黑水言其自沙漠中南流經黑山下南合白水紅水

夏古字文二十一 額濟納土八

又西南流入臨羌為青海之源... 黑水至於三危入於南海... 指蓋謂今張掖河也... 城西二十里折而西北... 與洮賴河匯而入額齊訥... 入之乎又謂西海流至積石... 秋濤按肅州境有二黑水... 一黑水在州西北一百二十... 水在州北五十里東流入討... 南二十里下合紅水紅水在... 北流合白水至下古城東南... 皆匯於討來河下流仍與張... 小水江氏誤認為禹貢黑水... 入臨羌為青海上源之說... 紕繆之甚者星伯先生仍引... 其癥結也至塞外得水謂之... 水皆名為河江南得水皆名... 名至青海一名西海不過一... 以就己說多見其不知量也... 納河源流長三百五十餘里... 亦不與黃河通附記以祛讀者之惑

乾隆五年丹忠卒子羅卜藏達爾札

襲十八年授札薩克三十二年卒子旺札勒車凌襲

十八年 詔世襲罔替 領一佐 牧地 補注 秋濤按

索廓克鄂模之南東臨昆都倫河以地形診之蓋即漢... 居延故城元亦集乃路所治也唐地理志張掖河西... 出合黎山峽口傍河東端屈曲東北行千里有甯寇軍... 故同城守捉也軍東北有居延海又北三百里有花門... 山堡又東北千里至同鵠衙帳據此則甯寇軍當亦在... 旗境又旗境有掃林山禹貢錐指云明馮勝拔肅州進... 至掃林山亦集乃路即此有別篤山今曰畢道山明紀... 綱目洪武五年副將軍傅友德下額齊訥路次別篤山... 元岐王多爾濟巴勒通去獲其平章昌嘉努等二跨昆... 十七人明紀事本末作別篤山蓋字形相近而譌

都倫河 補注 會典圖說額濟訥舊土爾扈特旗在居延... 濟訥旗分二道匯為澤俱曰居延海水道提綱山丹水... 即古弱水源出山丹衛西南第石山東北流百餘里經

馬營墩西又北流五十里經永固城西又北二十里經
洪水營東折西北流百二十里至甘州東南境有水東
自長城外山西南流入城經山丹營及通遠堡南而西
注之又西北經州北境又西北有張掖河自西南來會
即古羌谷水也又西北百里至平川堡南撫夷堡北循
長城下而北至高臺堡西北有一水西南自紅崖堡從
仁堡南山二源合而北流注之又循長城下而西北經
定安黑泉花牆深溝四堡之東又北至鎮夷堡西北當
城斷處出邊又北三百里至衛公營東北地有肅州二
水自西南東北流經金塔寺營而北來會之肅州二水
一曰厄几餒必拉出教什西山之南西北境有三源東源
曰厄几餒必拉出教什西山之南西北境有三源東源
必拉出朱魯懇達山北麓二澗北流而合西源最大而
遠曰滔來必拉曰哈土巴爾呼必拉東北流而合流數
百里始與二源水會東北流又東合一水又東北經重
山入肅州南邊經卯來堡曰卯來河又東北經州城南
境又東北有河西自嘉峪關外東北流經州西北境
來注之又東北至古城堡南臨水堡北當西長城斷處
出邊東北流經金塔寺營西北又東北折正北流土人
總呼滔來必拉經衛魯西火燒屯東又北折東北流至

衛公營北又東北會山丹水二流既合又東北經花牆
鎮驛北土人曰厄几餒必拉又東北至毛母西折西北
折東北而北流經什莊西又西北有昆都倫水自東北
來注之又北為二巨澤西北曰索廓克鄂模池周九十
里其東北曰索博鄂模池周六十餘里即古居延海也
秋濤按據齊侍郎書以昆都倫水自東北來注於厄金
餒必拉是昆都倫乃塞外一小水源流甚短而會與圖
說則以額濟納河自肅州北流者概是東至古爾爾
目為坤都倫河二說不同未詳孰是東至古爾爾
拉善旗界補注秋濤按旗東有威遠故城唐地理志肅
州有酒泉威遠二守捉城肅鎮志威遠故城在衛東北三
百八十里明初立為所後廢其地有旗杆山即當時立
旗招撫叛民處又旗東境有澤曰大苦水南直甘肅張
掖縣邊外大苦水之東有二澤曰騙馬湖湖東南有澤
曰沙棗湖亦曰沙棗泉在肅州東北二百三十里金塔
寺北一澤曰豐盈大泉以上諸澤俱瀦於沙南至毛目
外有澤曰豐盈大泉以上諸澤俱瀦於沙南至毛目
縣丞民地按旗南有會水縣城漢置屬酒泉郡地理

之關駟曰眾水所會故名後魏廢秋濤按西域圖志以
會水縣在安西州與一統志不同按一統志據史記索
隱所言以弱水西北至會水縣入合黎山腹以此證之
則會水縣宜在肅州北額濟納旗南不得如西域圖志
所云也又有威虜城明初置威虜衛尋廢嘉靖七年番
夷牙木蘭等內附巡撫唐澤議於肅州地北境外威虜
舊城及天倉墩毛目城白城子等地散處其眾二十八
年巡撫楊博檄副使王儀等修威虜並金塔寺古城
添置白煙墩等城堡凡七墩台十有二安置番帳七百
餘所肅鎮志威虜城在衛東北一百三十里又白城子
在衛東北一百二十里今皆廢金塔寺城在衛東北六
十里今為堡城周一百九十里明時墩軍呼為鬼門關其西十
在堡東北二百六十里明時墩軍呼為鬼門關其西十
里有一百五十里今設縣丞駐之以理民事水道提綱作毛
母又有平朔城在鎮夷城北二百二十里亦周二里與
毛目城相傳皆元時守禦又有古連城在鎮夷城北一
百八十里又有黑山屹立沙漠中一名紫塞南至西至
肅州一百八十里其山口東南至州一百四十里西至

大戈壁

原注 諭戈壁為通哈密驛路補注 秋濤按自額

北為巴里坤地疑即古蒲類澤一統志漢趙充國以本
始二年為蒲類將軍出酒泉期出塞二千里當與烏孫
合擊匈奴於蒲類澤是蒲類澤去酒泉二千里也充國
出塞千八百里西去候山斬首捕虜而還是不及蒲類
澤尚二百里也計今自肅州抵哈密之天山千七百里
道里亦頗相合然則額濟納西踰戈壁即漢時趙充國
西征之故道矣又按哈密距西京師七千一百八十里
距蘭州省城三千五百里在安西州城西北八百七十
里城二舊城周四里康熙五十六年建新城周里許雍
正五年建二城皆北倚大山三面平曠所居回民以耕
牧射獵為生田疇沃衍氣候溫暖泉甘土肥引渠溉田
號稱殷庶城外東西兩關地當孔道商民輻輳西南通
吐魯番為天山南路之咽喉北通巴里坤為天山北路
之衝要兼扼兩路最為西陲重地其地於漢屬匈奴號
伊吾盧後漢時始為伊吾魏入蠕蠕隋置伊吾郡
旋屬突厥唐置西伊州改伊州五代時號胡盧積宋入
回鶻元為威武王分鎮之地明設哈密衛後北至阿濟
入土爾番國朝康熙三十七年額濟納土

長子存文已十一額濟納土

山原注踰大戈壁接札薩克國汗部界補注秋濤按阿

山原注濟山在戈壁中又謂之北套一統志自哈密北踰天

山至巴里坤池又北度大沙磧幾三四百里有阿吉山

亦曰阿濟山脈自西北阿爾泰山南來蜿蜒東趨橫

帶翰海中起伏不斷為喀爾喀東南至合黎山原注接

西路之南境其長殆三四千里補注按旗東南有合黎山即禹

張掖山丹二縣界補注秋濤按旗東南有合黎山即禹

貢弱水所經也水經正義合離山在酒泉會水縣東北注

以為即合黎山史記正義山在張掖縣西北二百里行

都司志云在高山所北十里鎮夷所東北三十里與黑

山相接黑山在鎮夷所東北三十里西睡今略合黎西

山起山丹石碛至於鎮夷延長三百餘里其山產茶西

南至戈壁原注踰戈壁接安西州玉門縣界補注洪亮

蒙古衛地後廢本朝康熙五十七年復置赤金衛雍

正四年裁衛地屬靖逆廳乾隆二十四年仍改置玉門

縣省靖逆廳入焉秋濤按蘇履吉燉煌縣志云乾隆二

十五年改靖逆衛為玉門縣赤金裁歸玉門與洪氏說

異蘇氏歷官安西見聞較確當從縣志為正舊赤金衛

東有惠回堡堡北寬臺山後柳灣西北驢馬城俱通崑

都倫要路有墩兵瞭守又舊靖逆廳北地名布魯兒東

亦路通崑都倫為戍守要地崑都倫即昆都倫河也東

北至大戈壁原注踰戈壁接賽音諾顏部界補注秋濤

里南去鎮夷所城五百里為往來要路又有孤紅山在

金塔寺堡東北三百五十里凡往來哈密北山者必聚

於西北至大戈壁原注踰戈壁接巴里坤界西域釋地

此西北至大戈壁原注巴里坤漢蒲類國地本名巴爾庫勒

譯曰巴里坤至京師七千五百餘里新疆識畧巴里

坤在肅州西北一千七百九十里與哈密以天山為界

山陽為哈密山陰為巴里坤東門外有漢永和三年燉

煌太守裴岑紀功碑天山之顛有唐貞觀十四年姜行

本紀功碑蓋自古戰守扼要之地補注秋濤按巴里坤

今為鎮西府距京師七千五百里距哈密三百三

十里南界天山西隱平岡西北有巴爾庫勒淖爾周

水氣浸潤庶草繁庶地宜畜牧居天山之陰氣候多寒

本朝康熙五十四年詔遣大兵屯巴里坤雍

正三年始撤七年大軍復駐焉九年築巴爾庫勒城周

八里十三年撤大兵改設駐防初以安西同知駐防其

額濟納土

額濟納土

額濟納土

地乾隆三十八年置鎮西府以巴爾庫勒城為府治並設宜禾縣與府同治城內有文廟城隍廟城西南有龍王廟城東有城周六里為滿洲兵弁駐防之所西北三里別建關帝廟廟前有裴岑碑圖志云宜禾縣東南至南山口二百五十里東北至鹽池百六十里西至噶順三百四十里南至天山十里北至三塘一百六十里秋濤又按安西州東一百六十里為故柳溝衛城柳溝堡在柳溝衛東七十五里又北一百二十里至木龍泉又一百三十里至伊克衣馬幹古墩又二百四十里至鐵布什古墩地多沙磧間有水草路通北套阿濟山及巴里坤又柳溝北五十里日邊牆頭墩正北至壘墩子一百四十里又八十里至石板墩八十里至白墩子二百十里至金溝峽一百二十里至鏡兒泉其間多沙磧間有水草通北套阿濟山巴里坤哈密要路所部

以來歸先故亦稱舊土爾扈特不設盟長

布勒罕河新土爾扈特蒙古青色特啟勒圖盟游牧

所在標題秋濤
依例補

原新土爾扈特部在科布多城西南至京師七千餘里

補元初為乃蠻國太祖滅之後為和林行省所屬地明

屬衛拉特本朝既平噶爾丹於科布多設屯田駐大

兵地當孔道乾隆間始賜新土爾扈特為牧地

原初土爾扈特族皆徙牧額濟勒河與準噶爾絕翁罕

十四世孫舍稜補注藩部要略舍稜者衛獨率諸昆弟

附牧伊犁境為準噶爾屬台吉大軍征準噶爾獲達瓦

齊阿睦爾撒納等以叛相次誅滅舍稜獨抗不降竄匿

庫克烏蘇喀喇塔拉境補注藩部要略乾隆二十二年

牧準噶爾乘阿逆叛擾伊犁境巴爾圖烏巴什為大軍

所逼走死舍稜詭乞降竄俄羅斯尋歸土爾扈特牧秋

濤按舍稜之竄俄羅斯歸土爾扈特牧係二十三年之事要略於二十二年彙括言之而二十三年所載尤為詳備乾隆二十三年 詔定邊將軍成袞札布副將

軍兆惠馳剿之舍稜謀奔俄羅斯我軍尾及之於布什古河源射擒其從弟勞章札布舍稜乃詭約降計戕我

副都統唐喀祿馳踰喀喇瑪嶺歸額濟勒土爾扈特牧

補注 藩部要略阿睦爾撒納走死其從逆之緝和爾烏喇特昂吉岱等附巴圖爾烏巴什竄伏沙拉伯勒敦多克布庫察罕等復附舍稜匿庫克烏蘇喀喇塔境至是成袞札布兆惠等馳剿巴爾圖烏巴什竄哈薩克病痘死舍稜竄博羅塔拉道遇哈薩克遊騎與交兵聞大軍通馳走道圖托羅海將為奔俄羅斯計先使往哈薩克要而殺之舍稜復間道赴阿固爾海副都統唐喀祿借厄魯特散秩大臣和碩齊以兵尾之抵布古什河源有巴爾呼卒都圖者射舍稜從弟勞章札布仆擒之舍稜詭服罪請釋其弟乃降唐喀祿曰是不可信將

以兵擒舍稜和碩齊曰不若使招降釋勞章札布歸越日舍稜遣三宰桑至軍約往受降唐喀祿愈疑之和碩齊曰彼畏我軍威故不敢至蓋往游盟強唐喀祿行策馬渡河遜舍稜營令從者皆下馬解囊強唐喀祿行策和碩齊不返舍稜遣賊眾入舍稜營唐喀祿立而待逾時賊隊後就擒論罪誅舍稜起唐喀祿死之碩齊易服入為所禁問道赴土爾扈特俄羅斯諸森博羅特圖喇巴什子沙喇扣胃亦從往焉初我使與俄羅斯定議不納道逃人至是諭理藩院檄俄羅斯以舍稜獻舍稜懼由俄羅斯歸三十六年復唆其汗渥巴錫來搶伊犁抵他木哈補注 福慶異域竹枝詞注伊犁惠遠城西南七他木哈補注 百餘里曰他木哈山其西皆布魯特界秋濤按渥巴錫為舍稜所愚妄思復伊犁舊牧傾國東徙為哈薩克所掠逼入沙漠繞巴爾噶什泊自三十五年十一月啟行至三十六年六月杪始至伊犁之沙拉伯勒界

狼狽飢渴道殣相望種類幾致覆滅乃決計內附云秋
濤按巴爾噶什泊周迴八百餘里伊犁全河經流千里
合各小水並注此泊蓋知內備固計無所出不得已隨
準部西北境最大澤也

渥巴錫歸順補注要略云廷臣議舍稜負罪竄不可信
且當追論前罪不宜與諸台吉同納其降
之將窮無所歸且新降諸俄羅斯而至此必不敢為難若拒
罪之非所以示信遠人也

勒罕河補注今圖作布爾干注見下秋濤按松文清公
貝子一按其所言即舍稜沙喇扣官也而地名為阿勒
台蓋舉水名則為布勒罕舉山名則為阿勒台阿勒台
歸授牧布拉干河河源為其避暑處設札薩克二日新

右旗札薩克多羅弼里克圖郡王游牧舍稜之入

覲也暗首請罪 上宥之封今爵補注冊文曰鴻圖

襲慶聲靈昭無外之模末徽希光爵賞布大公之治苟
向風慕義知悉臣悉主之攸歸斯紀績銘勲俾分土分
民之有屬爾舍稜殷懷北關表望西陲託羅刹以彌年
情由避罪發泰濠而覲日志切輸誠雖舉部傾心爾本
識時之俊而款關內面朕庸請命之從選水草而攻駒
配方旗而建隼仙莊引隊紫絲白馬之榮屬國編名青
岱黃河之誓茲以冊印封爾為郡王於戲朔書徧奉還
荒瞻賜社之新黃教長流奔世拜析圭之寵益勤精白
永享昇平補注賜弼哩克圖號補注先杜爾伯特台
爾齊斯與舍稜識比來歸授親王爵至是以年班入
世為覲扈補注蹕行圍舍稜見之握手歡語移時誓
天朝臣僕三十七年授新土爾扈特盟長轄左翼旗務

賜札薩克印四十八年 詔世襲罔替補注

佐領一補注藩部表云舍稜至五十
七年以病罷子策伯克札布襲爵 新左旗札薩克固
山烏察喇勒圖貝子游牧舍稜從子沙喇扣官父巴圖

爾烏巴什為準噶爾台吉噶爾丹策零婿原注事已見前乾隆

二十三年沙喇扣官從舍稜竄奔額濟勒河三十六年

來降封今爵補注遠之經列部蒙休丕著策勳之畧獻責入

朝之誼史載借垂分茅頌社之榮國恩罔替爾沙拉扣

糧之不絕遂隊西徠甫草從圍備暗維郊車旆蓼蕭命

宴親承鑄室和鸞鑿厥歸誠侈其列爵茲封爾為貝子

錫之誥命於戲効藩受寵和風回羣幕之溫開

國流禩化日訖龍沙之教是用釐爾尚時欽哉

賜烏察喇勒圖號三十七年授副盟長轄右翼旗務

賜印原注沙喇扣官尋借年班台吉入御製詩紀之四十年來朝扈

裘每歲蒙古札薩克等扈爾袞溝蒙古謂寬敞為額爾

馬榜什諸戲時大軍剿促浸逆番克勒烏圍賊巢捷奏

至沙喇扣官等將進宴集和門外舞蹈稱慶

以額爾袞巴雅爾名其地蒙古四十八年詔世襲

古謂喜為巴雅爾志慶也

罔替原注佐牧地補注乾隆四十九年有內地奸民劉

礦且賂舍稜屬人額爾齊斯雅拉拜等給駝馬為助烏

魯木齊都統海祿聞之以兵往檄所部助討礦徒悉就

擒事聞上以瑚圖斯拉當金山南烏隆古河之

通舍稜牧詔永遠封禁

東原注會典圖說烏龍古河二源東曰布爾干河西曰

水南流經札哈沁旗東南流青吉斯河出新土爾扈特

旗北合哈拉泊水西南流合哈喇察克河又東南與布

爾干河合為烏隆古河折西流經阿爾泰烏梁海旗

為赫薩爾巴什泊元秘史成吉思與王罕征乃蠻種

的古出古惇不亦魯黑時不亦魯黑在兀魯黑塔黑地

面潰豁黑水行成吉思與王罕到了不亦魯黑不能對

陣起過阿勒台山去了追至忽木升吉兒地面兀魯古

河行遇著不亦魯黑來哨的官人也迪土卜魯黑被成

吉思出哨的趕上山去拿住又追至乞濕勒巴失海子

行不亦魯黑遂窮促了穆案兀籠古即烏隆古乞濕勒

巴失海子即赫薩爾巴什泊然則不亦魯黑所在之兀

魯黑塔黑地面濱豁黑水行爲科布多北之烏里雅蘇

台河阿勒台山陰乃蠻故國也補注康熙二十七年噶

爾丹掠喀爾喀札薩克圖汗部黑德卓哩克圖族潰奔

青海四十三年自青海歸授一等台吉

爾台額爾齊斯烏隴貴界至其子通謨克嗣職以功封

輔國公雍正元年準噶爾首大策凌悖多卜等由阿濟

掠通謨克遊牧十年詔移其眾於阿拉善

阿克敦再使準噶爾奏臣等言既遵

泰山陽游牧自應從索爾綽以上花額爾齊斯哈拉額

爾齊斯烏龍歸河邊地俱寬闊何容牽入烏容齊博東

齊從前我之游兵尙逾烏容齊博東齊以至布爾汗察

汗托回等處補注秋濤按烏隴貴即烏龍歸河旁之地

以河爲名烏龍歸河即烏隴古河也藩部要略乾隆二

十八年八月十九日阿睦爾撒納行至烏隴古河距其

牧札布堪河近乃詭言暫歸治裝以副將軍印交額璘

沁多爾濟使先行遂由額爾齊斯河間道北逸東至奔

即此地也札爾堪河今圖謂之札爾噶河矣

巴圖捫楚克烏蘭布勒幹和碩原注接新南至胡圖斯

和碩特界

山烏隴古河原注踰戈壁接古城界西城釋地古城唐

類海西四縣皆隸北庭都護府所領之地其時金滿輪台蒲

考祇以古城名之至北庭都護府格爾爲唐金滿縣地尙有殘

達公時槐西雜志云特納爾爲唐金滿縣地尙有殘

碑吉木薩有唐北庭都護府故城則李衛公所築也周

四里皆以土壘成每壘厚一尺闊一尺五寸城五六十長

二尺七尺八寸舊瓦亦廣尺餘長一尺五六寸城五六十長

亦尺盡石佛自腰以下陷入土猶高七八尺鐵鐘一高

出人頭四圍皆有銘鏤模糊一字不可辨識惟一尺

字稜相其波磔似此城昔以火攻陷四面礮臺即攻城

乃見土額魯特云此城則不能言之蓋在準噶爾前矣

時所築其爲何代何人則不能言之蓋在準噶爾前矣

城東南山岡上一小城與大城若相倚角額魯特云以

此一城阻礙攻之不克乃以礮攻也庚寅冬烏魯木齊

提督標增設後營余與永齋奉檄籌畫駐兵地萬山

叢雜議數日未定余謂餘齋日李衛公相度地然議乃定勝

我輩其所建城必名破城蓋因之乎餘齋以爲然議乃定勝

卽今古城營也本名破城蓋因之乎餘齋以爲然議乃定勝

望之似孤懸然山中千蹊萬徑其出也必過此城乃知

望之似孤懸然山中千蹊萬徑其出也必過此城乃知

古人真不可及矣。褚筠心學士修西域圖志時就訪古
迹偶忘語此今附識之。秋濤按永慶號餘齋乾隆三十
七年為迪化城督糧道後官至湖北布政使又按西域
圖志云古城在奇臺縣治西北九十里由奇臺塘至古
城五十里南城北二城南城中有萬壽宮關帝廟至古
西有牛圈泉乾隆四十年駐防大臣索諾穆策凌於其
地得唐時殘碑石二方有金滿縣應即漢車師後部金
滿城之路當在今阜康
漢時由車師前部北通後部金滿城之西境接古城與濟
縣東境之濟木薩阜康東境與奇臺西境接古城與濟
木薩地木相屬當為唐金滿縣東境碑石原建處不必
定在縣城也據此則今奇臺之西境阜康之東境均當
為金滿故地無疑。新疆識畧古城五十里至北道橋
又百二十里至噶順又百六十里至蘇吉又九十里至
鄂倫布拉克又五十里至察罕通古又九十里至希悖哈
喇腰站又百六十里至玉音齊又八十里至達布蘇圖又百二十
里至博多渾又百八十里至蘇濟又百二十里至科布多
西至清依勒河昌罕阿瑞那彥鄂博。
原注接阿爾泰烏梁海界補注秋濤

按清依勒河即青吉斯河又作青吉勒郭勒。北至綽和爾淖爾那郭幹淖爾

之中山。原注接阿爾泰山東南至拜塔克山。原注接札哈沁

按拜塔克地以山名其山在哈布塔克西青吉斯河南
岸由拜塔克西南行三百里至奇臺縣界唐時以沙陀
部為沙陀州此其故壤也又按奇臺縣隸鎮西府東距
府治六百九十里縣治東至噶順溝三百七十里接宜
禾縣界西至乾溝一百十里南至南山北至葦湖西域
平後於奇臺設堡有管糧通判駐此乾隆四十一年改
設奇臺縣城內有文廟關帝廟城西南有奇臺堡二又
南有龍口堡渠河出南山下環抱縣治及諸堡左右稍
東有英格泉出天山下北流奇臺堡北有奇臺塘此地
後漢為車師後部金滿城唐為金滿州又為金滿縣此
奇臺縣屬木壘以西迄於阜康縣境特訥格爾以東正
當今闢展古車師前部之北境應皆金滿地也金滿亦
作金蒲未詳孰是又按阜康縣舊地名特訥格爾在迪
化州治東北二百里舊為準噶爾圖爾古特部游牧地
入板圖後建阜康堡乾隆四十一年設縣隸迪化州縣
境東西三百十里東至得勒呼蘇臺接奇臺縣界西至

蒙古源流卷之十一 布勒罕河

甘泉鋪接迪化州界南至天山北至西南至烏蘭波木

葦湖漢烏貪訾離國舊壤當在縣境

原注西北至綽和爾淖爾

原注接阿爾泰山烏梁海界

察克海及新和碩特界

所部二旗自為一盟曰青色

特啟勒圖

補注今作青塞特啟勒圖

隸科布多大臣兼轄歸定邊左

副將軍節制

哈爾察克新和碩特蒙古游牧所在

標題秋濤 依例補

原新和碩特部在科布多城南至

京師七千餘里二旗

札薩克一等台吉游牧先是和碩特台吉巴雅爾拉瑚

之族蒙哀

原注世系未詳

乾隆三十七年率屬來歸願附新土

爾扈特貝子沙喇扣有之旗

詔封一等台吉賞

半佐領令其附居蒙袞卒子布彥克什克襲五十七年

沙喇扣有殘害所屬下人事聞

命移於杜爾伯特近處游牧

原注即嘉慶元年科布多參贊大臣蒙

袞妻察彥率布彥克什克詣言所屬生齒日繁求給印

以資鈐轄

詔依杜爾伯特例給札薩克印不食俸缺出請

補注秋濤按哈爾察克西域圖志作哈布塔克地以山名在鎮西府西北四百里北六十里即布拉克河

補注青吉勒郭勒舊為准噶爾東南界

補注西臨青吉斯河

補注秋濤按青吉勒郭勒舊為准噶爾東南界

補注今會典與圖異未詳孰是

補注又案青吉勒郭勒舊為准噶爾東南界

補注號此河所會之烏隴古河既見於元秘史則此河當亦

因元太祖**原東至和託鄂博**原注接札哈沁旗界補注

得名也原注準噶爾謂守喀人日札沁三統志作和

公瑪木特初為準噶爾宰桑乾隆十九年大軍獲之

授內大臣其隨來之札沁即令統轄二十年從征達

瓦齊封三等信勇公阿逆誘使附已禡木特噶而數其

罪阿逆斬搃殺之事聞御製詩褒為烈士所遺

爵令其孫札木禪襲四十年札木禪卒以札沁原非

馮木特之阿爾巴圖撤出設一旗屬科布多參贊大臣

其札木禪族丁及其阿爾巴圖嘉慶五年札木禪之孫

多之烏裕克齊博多克齊游牧嘉慶五年札木禪之孫

托克托巴圖為總管牧地在科布多城南新修一統志

托克托巴圖為總管牧地在科布多城南新修一統志

東界由德杜庫圖勒起至喀喇占和碩薩拉布拉克

巴爾魯克止與喀爾喀連界東南界由昂吉爾圖起

起至昂吉爾圖止與喀爾喀連界西南界由昂吉爾圖起

至哈布塔克山止與鄂博止與土爾扈特和碩特連界西

克山起至和托昂鄂博起至布爾干河東岸止與阿勒坦

梁海連界西北界由布爾干河起至浩賴僧庫爾都木

達僧庫爾惠圖僧庫爾之北山止與阿勒坦烏梁海連

界北界由惠圖僧庫爾起至土古里克止與喀爾喀屯

田兵官廠連界東北界由土古里克起至德杜庫圖

勒止與喀爾喀連界補注秋濤按札哈沁旗未設札薩

克故止附見於此不別立專條餘如呼倫貝爾諸蒙

古及各烏梁海之類皆仿此游牧記之通例也

至布勒幹原注接新土爾扈特界補注秋濤按新修

旁之地地以水名也亦作布爾干注見前又按朔漠方

略雍正九年八月傅爾丹奏言科布多修城處所當奇

爾台小路處甚多實為險要之地城加力修築令高

丈合計垛城共高一丈五尺周圍十有二三里藩部要

康熙五十九年將軍傅爾丹領八千人從布喇罕前

襲擊準噶爾邊境所云布喇罕亦作布喇罕即此布

勒幹也準語謂貂為布拉干河濱產此故以為名

至捫楚克烏蘭原注接新土北至奔巴圖哈喇察克河

原注接阿爾泰烏梁海特界補注秋濤按據會典輿

自哈喇察克以北為科布多所屬喀爾喀官屯田地

蒙古游牧記卷之十一 哈喇察克

其西為額魯特旗游牧原注新修一統志科布多額魯
特部一旗東界由濟爾噶頭圖起沿布彥圖河西岸至
布古圖和碩止與喀爾喀屯田兵連界南界由布古圖
和碩起沿布彥圖河北岸至哈叻烏里雅蘇台北與喀
爾喀屯田兵連界西界由哈叻烏里雅蘇台起至都魯
淖爾止與阿勒坦烏梁海連界北界由都魯淖爾起至
習集克圖河止與阿勒坦烏梁海連界南界由習集克圖
河起沿科布多河南岸至濟爾噶頭圖止與明阿特連
界攻此旗本台吉達木拜屬達木拜有罪削爵以其眾
屬科布多參贊大臣歸定邊左副將軍節制不設札薩
克故附不設盟長隸科布多大臣兼轄
見於此

壽陽閻汝弼覆校

Index

蒙古游牧言十六

Faint, illegible text, likely bleed-through from the reverse side of the page.



